

近代中國史料叢刊續編第九十八輯
沈雲龍主編

粵閩巡視紀略

杜臻撰

文海出版社

有限公司

印行

粵閩巡視紀略

粵閩巡視紀畧卷三

工部尚書杜臻撰

乙巳登陸行六十里止平山驛

丙午行三十里至白雲又三里至橋嶺又三十里止鷺

哺

惠州府屬縣九濱海者二曰歸善曰海豐元年畫界

自大鵬所歷西鄉四等境山下村小桂村石灰山鰲
松園港淡水園九里村長潭村龍古井村南前村烏
栖塘村煖水湖村松山下村楊山村楊公逕陳田村
澗背村白雲墟攔盤寨烟岡寨於山墟飯羅岡至雙
大浦屯鐵涌墟溪背村官田村盤園口黃浦墟
園村為歸善邊邊界以外距海二十里者蒲田燕門

舊村西村甘泉蕉坑雙溪羅林坑十五里槁木洞後

壠十三里蕉子坑十二里官埔十里貴到河潭赤沙

巽寮思益臺碧甲長子仔田寮鴉雀鋪遊魚灣東坑

水津園龍眼岡竹園墩山仔頭蕉子園上葵坑雲嶺

古埔拳及附海七八里至一二里潮陽村等沙橋湖

崗仔香浦老鴉山上灣大墳波官溪大康小連木平

嶺巖前白岡西鄉石井上角沙頭下浦巒頭山巒

山頭船四中西興宜富山小漢園攬浦林軍漆竹園埔

元宵園大嶺蒲菜鬱南坑新村新尾石橋復興四

石頭嶺石坡坑小門寨小挂凹舊村高埔沙凹嶺四
橫岡峯背洞內西涌港尾枯子萌赤山白花尾蓮麻
坑大崩東坑解葵坑大水坑迳口大河渡俱移并續
鴨鬱高尾田坑松園村田寮夫子嶺古寮
遷共畧田地八十頃有奇于平海置重兵盤圓口諸

處因界設守展界稍復今從惠州營撥守諸汛
 大朋所守
 備一把總一兵三百名五通嶺五名鹽田臺千總一
 兵三十名大梅沙五名少梅沙五名雅標山五名關
 湖把總一兵二十名西山五名整頭港十名白雲十一名
 老大朋把總一兵三十名平海所都司一守備一兵
 一總山十總一兵三十五名平海所都司一守備一兵
 一百八十九名盤圓口千總一兵三十三名小漢五
 名候閱定

過白鶴峯訪蘇文忠公軾宅遺址及豐湖諸勝

按軾紹聖元年以端明殿學士追一官落兩職知吳
 州行至當塗責授寧遠軍節度副使惠州安置以十
 月至惠寓居合江樓作詩云海上海上蔥龍氣佳哉二江
 合處朱樓開蓬萊方大應不遠肯為蘇子浮江來益

樓為一郡之勝西江龍江至此而合西流以出虎門也尋遷嘉祐寺明年復返始營白鶴居有詩云今年復東徙舊館聊自憇已買白鶴峯規作終老計長江在北戶雪浪舞階砌青山滿牆頭髮鬢幾雲髻今已作道觀矣然詩中景物猶可想見觀有井亦蘇公鑿有待鑿平江百尺井要分清暑一壺冰之句自注營白鶴居鑿井深四十尺而得泉云其旁有翟秀才林行婆居址翟秀才者名達亨性至孝博洽群書郡人號為翟夫子林行婆即與浮杯答語者見傳錄錄作凌行婆二人皆軼所甚重嘗有暮出詩云林行婆家

初閉戶翟夫子舍尚留闕又有過西隣翟秀才家詩
云繫悶豈無羅帶水割愁還有劍鉞山觀此則二人
之襟抱亦可見矣去觀稍遠有香積寺軾所時游嘗
寫之白鶴故居圖中懸泉百仞三山遠之三山者大
北山象頭山白水山也軾以為浮羅之東麓有三山
屏擁僧舍小一溪雷轉松陰涼之句豐湖去郡城八
里橫槎水自北注之其間有漱玉灘點翠洲明月灣
雜花島陳侗領州事時所築軾尤賞愛嘗有新年詩
云海國空自暖春山無限清冰烟分瘴雨雪函到江
城更待輕雷發先催凍筍生豐湖有蓀菜似可敵尊

美自注云豐湖有燕脂藤味滑美類粿也軾侍妾朝
雲死遂葬之湖上今墓猶存旁有六如亭取雲臨終
時所誦梵偈云軾在惠又有憶舊詩云合浦買珠無
復有當年笑我泣牛衣自注家白鶴峯下悼懷同安
君故有牛衣之句蓋是時軾妻已先亡而貧困以為
不若漢王章得罪而妻子徙合浦反得致產百萬也
再攷白鶴之居以紹聖四年三月成四月責授瓊州
別駕昌化軍安置拜命即行得安居者僅七十二日
焉紹興三年虔賊周十隆陷州城盡燬官民廬舍獨
留軾居致奠而去其見重如此

平海所洪武二十七年指揮花茂築周五百二十丈
雉堞二百八十

梅蟠者元豐八年舉進士多才博學授迪功郎鄉人
稱為梅夫子今地名有大梅沙小梅沙或其後人所
居也唐庚有贈梅夫子採藥行

飯蘿岡洪武間設內外管理巡檢司後移黃浦墟碧
甲山亦有巡檢司後移淡水墟

船澳文信國移軍表求入朝處

丁未行四十里過羊蹄嶺仄徑平絕險過大庾約十里
而得平壤又八十里止海豐

戊申行四十里過白沙又四十里次東海沿驛

已酉行七十里至登籠山又五十里止碣石衛總兵陳

耀率甲士千人來迎遂登山以望羣山趨拱盡于海隅

諸島環之真要區也

元年畫界自雙園村厯琵琶寨等境窩舖村園墩圍南門江村田寮

下村羊蹄嶺鮑門港南門山渡頭波青草頭東鄉西

洋舖丁張龍鄉黃興鄉大德鄉埕前鄉長福橋寮口

鄉後湖鄉佛山鄉南埕鄉烏坎村南窰碣石街上林

鄉海峽北峯大縣寮底欄上崗沙尾洲仔華埔溪上

寮文昌鄉大寨後寮烏塗園赤至靖海所為海豐邊

企仔下寮鄉末樟埕前營鄉

邊界以外距海三十里三興寨牛扼寨海山港十里

水尾寨東寨水尾上村園墩寨汲水門寨出水村及

附海五六里至一里黃家村等

新寨駱坑寨
於牛坑大坑

寨新迤寨莆嶺上署
寨中署寮下署寮 俱移并續遷共豁田地

百四十項有奇因界設守展界稍復今從碣

守諸汛 小莫港十名 船門港把總一兵五十

西臺十名 青草頭東臺把總一兵二十五名

十名 馬鬃山十名 墩下寨守備一兵二百五

扁涌湖把總一兵三十名 大帽山五名 白沙湖把總

擊一千總一兵二百五十五名 大德港西臺

十名 娘嶼山五名 大慶山五名 大德港西臺

名 大德港東臺把總一兵三十名 南海下灣

海上灣五名 烏墩港西臺千總一兵五十名

東臺千總一兵三十名 海甲山五名 甲子港

兵二十名 蘇公澳五名 圭湖整五名 烏整港

總一兵一百名 小城汛三十名 觀音堂五名

三洲整五名 湖東港西臺把總一兵一百名

定

五坡嶺在縣北二里宋景炎戊寅文信國自潮陽走海豐至此方作食為元十戶王惟義所獲正德丙子提學副使章程于其地建表忠祠祀信國以鄒濶陳龍劉子俊杜濬蕭明哲張唐熊桂林奇吳希奭陳子全徐榛蕭資從祀皆行府僚屬也

碣石衛城在縣東一百二十里孤懸海表城西南五里即大海洪武二十七年指揮花茂建周一千一百二十丈雉堞二千二百六十二敵樓四樓下開門康熙八年重建城外有旗峰山山狀如旗半枕海上西

南夷入貢望此為表識峯下有桂林書院故為永興寺廢而改作

海豐所在縣署

捷勝所海島也在縣南八十里土名石獅頭施公寮諸村稅二項有奇城去海二里洪武二十八年十戶侯良築周四百七十二丈雉堞九百四十敵樓四樓下關門

甲子門所在縣東二百五十里洪武間千戶盛玉築城周五百九十大雉堞一千一百八十敵樓四樓下關門城西有西峯書院提學魏校毀西峯寺改建城

下有甲子門水兩山夾石壁港北接大陂溪龍江諸
水入于海海口有大石壁立上下各刻六十甲子字
故名其傍有奇石十八人呼為十八學士石宋景炎
丁亥端宗自閩航海駐此舊有巡檢司在石帆都

長沙海口在金錫都一名麗江合大液小液龍津赤
岸諸水入于海有大金龍山雄踞海口宋端宗嘗改
名金龍

謝道山在縣南二十里志作射道大磨山志作大磨
娘巖志作娘崗

梅龍海島土名燕洲蛟寮新圍王公諸村稅十三頃

有奇

墩下馬頭有城周一里近扁涌湖去縣五十里其海
島土名南湖東坑門高岸汕頭浪涌諸村稅二項有
奇又墩東海島土名蛋家宮坭坦浩洋諸村稅二項
有奇

大帽山土名黃厝寮稅十項有奇

大德汶土名南海諸村稅四項有奇

烏墩海島土名深田湖沙墩諸村稅三項有奇三洲

湖東港海島土名湖東海仔等村稅二項有奇

甲子門東有海島土名深澳諸村稅約一項以上諸

島俱有陸路可通

鮎門港口廣可半里去縣六十里

大德港口廣可半里去縣一百一十里

異物志南海多鯨鯢伐林邑時得鯨頭于海嶼如數百斛圍頂上一孔大如甕俗以為珠穴又有環雷魚大一丈生子朝出食暮宿母腹入從臍中出從口中腹有兩洞貯水養子一洞容二子又有鰐魚南越謂之狼藉魚長二丈背長六尺廣三寸左右生齒如鋸又有黃雀魚每八月化為黃雀十月入海為魚已酉行七十里至長青寨又四十里至龍江堡又四十

里止惠來所過村落炷香結綺迎導甚盛

潮屬九邑附海者五惠來其西境也稍東為潮陽而揭陽在其內其東偏之地牙錯潮澄間者亦遷又東為澄海郡治在其內去海稍遠故附郭之海陽無遷又東為饒平過分水關即閩界矣元年畫界自靖海所歷洪橋小黃岡田心寨至神仙寨為惠來邊境界以外附海八里至一里湖邊鄉等

後衛寨前林村西莊村菓山鄉下後

陳村驛後鄉後湖寮石塘驛東湖鄉益洋寨

皆移并續遷共畧田地八百

三十七頃有奇于靖海所諸處因界設守展界稍復

今從惠來營撥守諸汛

湖仔墩五名神泉港東臺把總一兵二十名神泉司把總

一兵一百九名澳角山五名溪東山五名艾梭山五
名沿錫山五名東山五名後池山五名湖口港五名
大架山五名石牌澳十名靖海港東岸千總一兵二
十名靖海所把總一兵一百四十二名後表山五名
小黃岡寨把總一兵侯閱定
九十名茅洋五名

邑設于嘉靖四年先為潮陽縣之惠來諸郡以去邑

治遠甚吏不能理遂于其地設縣割海豐之龍溪諸

都以益之治洋尾

金剛髻山去縣七十里尖峯秀拔漁舟歸海上視以

為準

靖海所城在大坵都洪武二十七年百戶董聚建周
五百五十丈舊隸潮陽嘉靖三十二年改隸惠來久

廢址存

神泉港在縣南十里昌山之陽中有大石潮沒而汐見人謂之石龜舊設神泉巡檢司因苦海寇官兵寄寓他所民居蕩折嘉靖三十三年分巡道尤瑛令知縣林春秀築城周三百丈曰神泉澳城今廢又南四十里有赤沙澳沙堤可蔽海濤海艦多泊于此

庚戌行七十里至武寧驛又二十里至小黃岡又三十里渡練江海口過海門所又二十里次潮陽

辛亥行三十里至達壕海島登最高峰陟峻坂五里許始至極巔一望大海浩汗無際諸州島嶼漾其中更有

遠峯如簪如髻乍明乍滅于重山之外即南澳諸山也
欲仍返潮陽宿曾大雨止桑田

元年畫界自神仙寨厯古埕村等境海門所桑田山虎頭山祿景山

石井至洪岡山為潮陽邊邊界以外附海四里至一寨

里鳳山上下寨等西盧寨祿景鋪赤水寨竹林寨海田寨華湯寨桑田寨及達

壕埠海島俱移并續遷共豁田地七百六十頃有奇

于海門所置重兵因界設守食界稍復今從靖海營

撥守錢澳諸汛河背砲臺千總一兵三十三名錢灣五名砲臺把總一兵三十四名錢灣五名

岡頭又從潮陽營撥守徑門諸汛徑門五名徑門口五名

後溪十名蛋家官五名真真灣五名華陽臺二十名

石井千總一兵八十名門關臺三十名南炮臺四十

一名河溪口十名桑田堡把總又從達濠營撥守二汛

一兵四十九名竹林二十名
河渡門四十九名
磊石門四十名 候關定

自洪岡厯深埔山至鄉堂山為揭陽邊邊界以外附

海八里至三里雙港等 土尾鄉大連鄉石港鄉青冀鄉大寮鄉塔岡鄉鐵場鄉後

田鄉仙埔鄉俱移并續遷其畝田地八十六頃有奇
楓鄉鄉堂鄉

于鋪前河置重兵因界設守展界稍復今從潮州營

撥守諸汛 北砲臺把總一兵五十名
青嶼把總一兵五十名 候關定

水經注員水又東南一千五百里入南海東厯偃陽

縣王莽之南陽亭也今縣西北有揭嶺意為漢舊治

晉義熙間分揭陽立潮陽治臨崑山韓文公為刺史

遷治棉陽即今所也揭陽至晉時已省宋復立于玉
窖山

海門所洪武二十四年設二十七年百戶蔡春遷今
所更名海門旁有錢澳山石壁錫蓮花峯三大字萬
厯六年遊擊金丹于此設蓮花營駐水軍以防寇

達壕埠海島也籌海圖作達頭埔在潮陽澄海之間
西與潮陽之招遠巡司招收場諸境相接止隔一河

其河之南口曰河渡門北口曰磊石門兩口俱隘止

容一海艘入去潮陽邑治三十里周六十里有赤岡

寨青林寨籌海重編下尾寨圓山尾渡頭鄉白沙溪

作青蓋寨

頭杉寨下穢茂洲西墩割頭沙埔松子山湖仔割洲
澳頭諸村民稅八十七頃萬麻間海寇林道乾營巢
于此名曰華美遷界時弁不設守有海寇邱鳳者據
之十九年討平始設重鎮焉

大忠祠在潮陽東雙忠廟之左祀文信國章熙記曰
公在潮陽時有盜陳懿劉興歎叛附為害公誅興攻
走懿則潮陽實蒙公惠德一宜祀公謁雙忠廟作沁
園春詞悲歌激烈則東山乃公忼慨矢志之所二宜
祀公由潮陽西奔五坡嶺被執復返潮陽見張洪範
秉義不屈則潮陽為公窮厄仗節之地三宜祀弘治

丙辰邑令姜森復建雙忠廟祀唐張許二公亦曰靈
威廟始于熙寧間有軍校鍾英奉遣入京道經睢陽
夢神告以遺像處命持歸立廟于東山覺而求之寢
殿後果得銅像十二銅輓二遂持以歸言于有司而
立廟焉天順間嶺寇薄城望見空中車旗憚不敢逼
後又有淳寇尋破滅捕得生口自言若有物禁其手
握兵不能動屢著靈異廟貌日新

壬子行一百十里次潮州府登東山謁韓文公祠

海陽縣元年無遷三年續遷豁田地二百七十八頃

零村名
不錄

文公祠在縣治東山上即名韓山頂有三峯形如筆
牀韓文公守潮嘗于此作亭曰東山亭後人因名之
曰侍郎亭而作祠于其旁有文公手植椽木二本號
為韓木郡人以其花之多少卜科第之盛衰竹坡詩
話載宋學士王大寶贊并序畧曰亭隅有木此幹鱗
文葉長而傍稜相傳為文公所植人無識其名故曰
韓木舊株既老類更蕃滋移植輒死遇春作華或紅
或白簇簇附枝如桃狀而小贊曰召公之棠孔明之
柏既味勿剪且歌愛惜瞻彼韓木是封是沃匪木之
漬德化惟服宋陳堯佐劉允揚萬里皆有詩

韓江在韓山下源出汀巔會于三河合產溪九河鳳
水過鳳拙峽經鱷溪至于江經老鶴洲分流為三入
海江遠郡東門外有湘子橋過橋即韓山也東湖又
在韓山之後按憲宗元和十四年迎佛骨入禁中公
上表極諫帝大怒將抵以死裴度崔羣力救得貶潮
州刺史明年三月至潮七月群臣上尊號大赦十月
準例量移袁州首尾在潮七月耳今潮人家弦戶誦
皆文公之教盛德入人之深如此

鱷溪一名惡溪有鱷魚四足黃身修尾其形如鼉似
龍無角似蛇有足口森鋸齒其運尾猶象之運鼻尾

有三鉤極利遇人畜以尾戰而食之生卵甚多或為魚鼈之屬文公知潮州以一羊一豚投谿水為文告之是夕暴風震雷起溪中數日水盡涸魚徒六十里宋咸平間陳堯佐通判潮州有硫黃張氏子與其母共濯于溪濱鱷魚掉尾鉤于去母號呼求救已不能及堯佐勅二吏操網捕之吏投網得鱷重不能舉更集百夫曳而出之籍其象械其足車載而斲之于市鱷患遂息堯佐作戮鱷魚文世亦傳之此如禱蝗捕蝗各以誠感不必一術也

文公在潮嘗與僧大顛游處顛生而神異詔此時依

止慧照元和間得法希遷歸立禪院于潮陽之靈山
出入猛虎隨行手植荔枝千餘株以銅壺灌之皆遍
文公與孟簡尚書書云有一老僧號大顛頗聰明識
道理故自山召至州留十餘日因與往來後愈以祭
神至海上遂造其廬及去留衣服與別長慶中顛示
寂或啟其塋惟見一鏡外集又載公與大顛三書舊
本無之至宋元祐七年始出注云唐元和十四年刻
于靈山歐陽公集古錄收之而蘇子辨其非是朱文
公又篤信之而黃東發以為不然近世予同里蔣之
翹辨之曰按書末題云吏部侍郎潮州刺史公以刑

部侍郎貶召還久之乃遷吏部不應此時即稱吏部
定係偽作予謂三書為僧家所藏蓋刻于公去潮之
後僧家無識紀遺書之歲而署後之官遂若可疑實
無足怪也三書文筆絕高簡當以朱子之言為正靈
山去潮陽邑治二十五里有卓錫泉及大顛禪院至
今猶存公有左遷至藍關示姪孫湘詩云一封朝奏
九重天夕貶潮陽路八千欲為聖明除弊事肯將衰
朽惜殘年雲橫秦嶺家何在雪擁藍關馬不前知汝
遠來應有意好收吾骨瘴江邊青瑣高議載湘子字
清夫公之姪也有道術能頃刻禁花使開一日戲于

公前具土覆以篋舉之得碧牡丹二朶葉有小金字
即雲橫二語也公不解所謂後以謫行始悟前語遂
足成此篇酉陽雜俎亦云按文公從子老成乃凡翁
之子老成生于二長湘字北渚登進士第為大理丞
次滂未仕而卒集中明云姪孫而訛以為姪况湘登
第在長慶癸卯後公遷謫四年豈既學仙而復入仕
乎至花中題字之說鄙俚荒誕益不足言矣惟公又
有曾口示湘詩而曾口在今曾城縣則湘之從行入
粵甚明蓋闕舊注以為峽關蓋即杜甫詩所謂藍田
關也公赴謫諸詩自道傍埃以下前後次序班班可

考其云知汝遠來蓋公先行而湘復自後追及也今
惠潮之間有藍關往來題咏甚多乃襲詩中語而為
之者尤足一據黃佐粵志上載湘子橋之名而藍關
及湘子學仙事皆不錄甚是

公瀧吏詩云州南數十里有海無天地颶風有時作
軒簾真差事贈元十八詩云峽山逢颶風雷電助撞
梓蓋粵人多苦颶風也作時無物不摧謂之鐵颶土
人多作地室以備颶每將至天脚有暈如半虹粵人
謂之破蓬亦謂之颶母子贍颶賦所謂斷霓飲海而
北指赤雲夾日以南翔者是也既見此徵則天地改

色海水自鳴禽鳥啾沸畜產奔駭土人倉皇徒炊器
及薪米食物挈家入穴中聚首屏息不敢出氣居久
之而颶乃作但聞木石器物相撞擊于空中聲如雷
礮蓋其所居室及室中所有大半毀敗矣颶初起嘗
于東北既乃極于西南謂之蕩西亦謂之迴南三晝
夜乃已穴中人度颶風且已乃緣梯徐上探首出穴
外探颶果息始復出治室屋以居焉子瞻賦云夜拊
榻以九徙畫命龜而三卜又云理草木之必偃算軒
楹之已折情景亦畧相似也字書從風從具謂具八
面之風今粵人讀如貝音

公南食詩鱉實如惠文骨眼相負行蟻相粘為山汁
百各自生蒲魚尾如蛇口眼不相行蛤即是蝦蟇同
實浪異名章舉馬甲拄門以怪自呈山海經鱉形如
惠文惠文法冠也舊說鱉眼在背骨宜作背按爾雅
翼云鱉背有骨長七八寸如石珊瑚則作骨亦可鱉
殼甚堅可為冠亦可屈為杓尾可為小如意燒其脂
可以集氣性畏蟲螫之立死曝日中不死隙光射之
立死蟻即牡蠣初生如拳漸長至一二丈巉巖如山
每孔有肉朝至孔開吸小蟲食之粵人多用其殼以
壘牆蒲魚一名鱈魚粵人多食石蛤一名山鷄味甚

美然退之又寄柳州食蝦蟇詩云予初不下喉近亦能稍稍似不無小異耳章舉有人脚形如烏賊而大亦曰章魚粵人用薑酢煉食味同水母馬甲桂舊注即江瑤柱也詩又云惟蛇舊所識實潭口眼猛開籠放其去鬱屈尚不平本草言嶺南人截蚺蛇肉作鱠以為珍味今盧亭蠻家岐黎之屬猶敢蛇云公在朝時有趙德攝海陽尉公特與友善令督州學生徒即坡公所謂潮人初未知學公命趙德為之師者也及將移袁州欲要與俱行德不可而止公乃作長篇贈之畧云不謂小郭中有子可冀娛心平而行

高兩通詩與書又云相期風濤觀已久不可渝又嘗
疑龍蝦果誰雄牙鬚按水經注滕修為刺史鄉人語
修蝦鬚長一尺修以為虛其人至東海取蝦鬚長四
尺修始服所謂龍蝦也段公路北戶錄云海中有大
紅蝦頭可謂冠鬚可為簪仗劉恂嶺表錄云紅蝦大
者七八尺至一丈

元豐畫界自鄒堂山厯蓮塘山等境

蓮州所臨汀背南洋外沙南洋

寨樟林村洪溝村仙村鹽竈村

至驛邊村為澄海邊邊界以外附海

三里小坑村等

乾岡村白頭村新寮村大場天港玉井石城頭夏止鮑浦蓮塘村皆

移并續遷其豁田地五百三十五頃有奇于鷓汀背

諸處設重兵因界設守展界稍復今從澄海營撥守

諸汛小坑五名溪東港二名西港七名東港九名

汀背十總一兵一百四十三名新港二名外沙把總一

兵十九名南港十七名東湖砲臺六名三灣把總一

兵十一名平湖十六名南洋東司一十總一兵二百

七十八名山頭把總一兵十六名東隴臺把總一兵

二十六名樟林守備千總一兵二百候闕定

七十八名監竈臺把總一兵八十名

蓬州所城洪武二十年指揮花茂奏于蓬州都下嶺

村置所以通商夷出入之路二十七年移鮑江都西
埕內三十一年百戶董興始砌石城周六百四十八
城樓四月樓四原屬揭陽嘉靖四十二年折置澄海
遂改屬焉天啟五年知縣馮明玠重修

水寨城在縣西蘇灣都白塔寺北洪武三年指揮俞良輔築鑿池置水關西北通海可泊戰船池圍二百一十丈深一丈今廢鄒堂山昔有逸士居此臺址尚存

小萊蕪山在邑東十里海中一名留子山又前二十里為大萊蕪山一名雙髻山

鳴洋在南灣海中時有聲如雷鳴東則風鳴西則雨乙卯行四十里踰白石嶺又五十里過黃岡又四十里止柘林

丙辰登雞母嶼泛舟至南澳東望皆閩山矣是日仍返

黃岡

丁巳返潮州

元年畫界白驛邊村厯水磨村等境長富村市頭村黃岡江台埭大

城至分水關接福建境為饒平邊邊界以外附海拓

林寨等賴家下岱涌下岱上灣下灣上及海島井洲

等皆移并續遷共畧田地六百一十五頃有奇于大

城所置重兵因界設守展界稍復今從黃岡營撥守

諸汛坎溪橋把總一兵二十名頭臺五名時頭臺

名下尾五名塘港五名獅頭五名林厝五名草尾五名

磚十名大城所都司一千總一兵一百六十四名上

里尾十名紅螺山把總一千總一兵一百六十四名雜母

澳把總一兵九名柘林守備千總一把總一兵一百

六十名青山十名鐵牛
港把總一兵三十名候閣定

大城所在縣東宣化都鳳獅合山之下洪武二十七年百戶顧實築周六百四十三丈嘉靖戊戌重修增廓五十三丈

大尖山在縣東南百里峻如筆力為高埕柵之鎮其

東大埕柵有鳳髻山左虎嶼右獅嶼相距半里許西

大港柵有烟樓山疏作益樓山南柵林寨有紅旗山下為

柵林澳皆邑險隘四柵之中設大城千戶所其東南

有鯉魚山又二百有紅羅山疏作紅螺山港通湖水蟠延

四十里柵林在其南暹邏日本及海賈嘗泊巨舟于

此

黃岡鎮城在饒平西南九十里宣化都去府城東南亦九十里正南去海十里嘉靖間知府郭春寔建城周一千二百餘丈門四 國朝順治十七年饒鎮總兵吳六奇重建周六百五十五丈高一丈三尺堅厚倍昔以黃岡溪而得名黃岡溪有三源一源出九峻山南流五十里至縣東南兩山對峙為河門一源出桃源山北流二十里經縣北城隍山一源出梅峯東北流二十里經縣南天馬山皆入于河門并行十五里至吳沆亭澗中有巨石如獅虎曰石溪又十里有

盤石中起一竅出溫泉曰湯溪流經燈塔溪會大榕
小榕潘段三溪流十五里為黃岡溪分為三溪入于
海有棲雲亭在鎮城之石壁山松筠蒼翠石洞窅冥
羣峯環繞滄海在目一方勝概也余散人所築自黃
岡東南三十里為大城所更十里為柘林寨又東八
里為鐵牛港即閩界矣自柘林而南至南澳海程四
十里自黃岡而東稍北二十里為分水關
柘林寨嘉靖四十五年提督侍郎吳桂芳題設指揮
一員官兵一千一百七十五名兵船四十五遇汛出
洋後以倭警更益兵十餘

市頭鄉小洲也在黃岡西南五十里長十里廣二里
員頭鄉與市頭相接係界內

井洲瀉皆海島在黃岡正南二十里周四十里隔水
半里曰石狗門

海山島在井洲東南隔水十餘里周四十里

大金門小金門在海山外無田土

下尾濱一名水寨溪邑南四十里有程洋岡宋哲宗
時場官李前于此鑿溪東行十五里至神山會水寨
溪

南澳山界連兩省蜿蜒于潮之饒平漳之詔安綿亘

二百里望之三峯如筆架下藏三澳曰深澳曰青澳
曰隆澳延袤三百里田土饒沃舟楫為路有鎮城南
枕金山北控蠟嶼雲蓋揭其東有古寺焉果老羊碑
白牛雞籠諸山迤邐而東散為前江後沙西閣諸村
又東則為長沙尾南有白沙烏頭諸村設走馬鋪戍
兵所往來也西有內澳外澳及竹栖九閩諸澳則閩
境矣有太子樓在城南旁有行宮故蹟宋少帝駐駕
之地也明王弼詩云疊石為樓雲影平樓荒空有石
崢嶸殘基草長陰孤嘯幽壑人稀野燐明少主羈魂
悲海島孤臣忠魄遠殘營只今樓下潺湲水似為當

年作怨聲有侍郎與宋陸秀夫後人家于此故名嘉靖間郡守葉元玉得陸氏遺譜于秀夫之裔孫大策兵燹之餘僅存二葉中云侍郎墓在南澳山青煙口又云公四子有曰繇者好漁獵被逐遂家于此及崖山之變秀夫盡驅妻子赴海而此支幸存其後子孫散處郡境云譜後有水村劉壘詩大策嘗訪其族人于海邊沙岡耆老引大策入左畔青麻園指其地曰此學士館遺址也其蓮花石礫約丈許天井階閣次第如故但青徑之墓則不知其處矣侍郎為海州人大策家又藏有廣陵牡丹圖卷林霽山題詩云南海

英魂叫不醒舊題重展墨香痕當時京洛花無主猶
有春風在廣陵齊山亦宋末義士也洪武二十六年
信國公湯和經理粵疆奏南澳為倭藪請徙其人內
地澳地遂虛閩志云成化間徙而糧額未豁正德六年知府
譚綸奏以廣濟橋鹽利抽補民使之自後海寇許棟
許朝光吳平曾一本等先後據為窟宅而倭舶之入
寇者盤牙雜處以互市為名廣捕急則奔閩閩捕急
則奔廣匪始糾結非復人境許棟者黃岡人也自幼
為盜招集多人遂為渠率無子養謝氏子為子名之
曰朝光分所部授之令抄掠潮陽招收場諸處而身

往外洋嘉靖三十二年棟自日本歸朝先遮殺之石
牌澳盡有其衆遂構巢澳中自稱澳長官兵莫能制
當事屈意招拊令居海陽之開望村朝先擁衆桀驁
分遣其黨據牛田鮑浦諸海口商賈往來給票抽分
名曰買水朝先居大船中擊斷自恣或嚴兵設衛出
入城市忘其為盜也時又有何亞八者與其黨鄭宗
興王直徐全方武潛引佛大坭國番舶入寇三省皆
被其毒三十三年提督侍郎鮑象賢定西侯蔣傳遣
副使汪柏指揮黑孟陽等督兵捕之擒亞八千三洲
銓武宗興次第授首于柘林諸處邊患少息明年許

朝光為其黨陳滄所殺三十七年倭據黃岡海寇許
老等挾之為亂瀕年不止四十二年倭復大至眾號
一萬明年經至者又萬餘提督侍郎吳桂芳調狼土
官兵四萬五千又福兵一萬五千以伸威營總兵俞
大猷副總兵湯克寬總領之相持兩月賊不得野掠
少困官兵一勝之滅水神山再勝之大德港又會颶
風三日倭船自相撞擊覆溺幾盡而海寇吳平起倭
之敗散也餘眾不能軍平收而有之退保南澳構巢
以居流突神山古埕諸村及漳之懸鐘事聞勅兩省
協勦總兵戚繼光都司傅應嘉率兵深入搗其巢穴

平乘小艗逸去或見其死于海島抱枯樹成福腊焉
而曾一本復減曾一本者詔安人吳平之部曲也險
狡多智數自殺參將繆印遂不可制總兵俞大猷使
入誘降欲生致之一本覺其意因借以愚大猷挾大
艘六十直趨大朋一把總察其意色非是言于大猷
大猷始倉皇修戰備陳未定而賊發投火焚官船俱
盡一本遂縱掠直抵廣州題詩海珠寺壁以請大猷
揚帆竟去隆慶三年廷議特簡兵部侍郎劉燾總督
福建兩廣以討之燾至會同閩撫塗澤民粵撫熊將
遣總兵俞大猷郭威李錫參將王詒等相機撲勦連

勝之銅山懸鐘連澳一本手執砲以擊官軍砲炸墮
指并傷其足遂被擒伏誅其餘黨林鳳林道乾等猶
延不絕鳳為官兵所逐走呂宋攻其玳瑁港破之築
城以守治戰艦勾番人以為入犯計萬歷二年閩撫
劉堯誨偵知之遣人馳諭呂宋國王發兵討捕鳳勢
大挫逸入廣澳總督侍郎凌雲翼檄總兵張元勛副
使趙可懷擊之礮石破之又敗之淡水洋鳳遁走不
知所終而林道乾遂據南澳與其黨朱良寶魏朝義
莫應教寇鈔諸路無虛月官軍搜逐急道乾走交趾
良寶據南洋總兵張元勛用攻車陷其壘良寶死于

是總督侍郎殷正茂會同閩撫堯誨請設重鎮于南
澳外以奪海寇之巢內以絕接濟之路左以伸閩之
臂指右以固粵之門戶又可以興屯田開海利朝議
然之遂設協守漳潮副總兵一員領戰船十三兵六
百餘名令于南澳要地葺城池建營屋以居粵之柘
林閩之懸鐘皆聽其節制責令兼防兩省往來討逐
無以寇氛流逸為解此鎮城開設之始也萬曆四年
總兵吳繼芳建城周五百丈高二丈二尺門四自設
鎮之後兵民安處生聚殷富寇氛偃息比于內地而
並海諸汛亦得息肩矣萬曆二十年粵帥陳璘巡歷

至其地見地力未盡課民耕樹璘捐資先種松苗曰
萬杉苗三萬以倡之官民因而踵成數年之間蔚然
葱茂民居益稠有南澳種樹記見記中時有章熙作
南澳賦曰相彼南澳為潮邊幅環大海濱枕金山麓
浪澎湃而作聲潮旁午而拖綠森森冥冥天連日沃
元元冥冥魅形鬼物冰岸橫飛雪崖磅礴烏岩如礪
之堆白沙如練之束後宅如屏之張長尾如釜之覆
溜頭前錢竹柘獵澳左輔右弼灣灣矗矗大小鼓山
又有萊服金山岐山遠近側目黃芒陳岐杳冥元谷
柘林漳林蒼蒼鬱鬱九閩洋嶼白牛西閩平原曠野

水暖土沃可耕可獵有木有穀先種後熟則謂之種
有實無稊則謂之穢涯巖紫菜可當米菑燕窩藻粉
不盈一劑至若海錯尤難枚舉阿羅一首十身如許
鯨身十翼鱗有毛羽鱉牝負牡鰭腹有子豚膏可燃
命之懶婦白鯊吹沙又云射鮒烏鯢嘆墨水黑如霧
方諸珠垂車螯肉吐帶殼玳瑁珊瑚火樹將軍大帽
龜脚雞距更有鹽埕曳白如布網折雨零如枚置免
徵其槽涌可充外府是山海之在南服也不過一勺
之水一硯之土昔天兵之下閩廣也深入其阻誰敢
予侮是故大國小邦外趨內附呂宋琉球南金大路

占城暹邏隨波飛渡佛齊閣婆勿敢互買真臘彭沅
疾馳如鶩粵自棄捐爰嘯其旅蕞爾邱墟不隸疆圉
是以日本倭奴西番醜鹵猖獗憑陵跳梁跋扈據為
巢穴孽育狐鼠有林道乾寨依河渡許朝光巢隆澳
深處有曾一本雜草盤據蜈蚣蝨賊夥偕隴廠怯匿
探囊膾肝啖脯潢池弄兵洪濤駕櫓凡我元元荼毒
何苦臺府奏聞聖皇赫怒授鉞元老奮揚厥武剪其
巨魁勦其終怙滅竈刻壘魚遊鼎俎石畫廟籌肇開
總府相度土功版築百杵巍巍金墉礧礧礎高高
牙纛森森什伍礙日在吻連雲棟宇舳艫帆檣環匝

鉤瑣千倉萬箱峙積振楛招集流攜惠通商賈島蠻
膽寒喙息偃僂童童桑拓茂茂苗黍濟濟青畬亦知
藝圃昔為鏡集今變鄒魯海不揚波功豈小補

附瓊州府轄三州十縣中有五指山乃黎岐所居而

州縣反環其外惟安定居中餘皆瀕海勢不可遷但

即濱海之村畫界禁民外出自海口所歷龍岐村仁興

村調塘村至豐華村為嶺山東畔邊自那豆村歷溪

演順村尾村雲樓村林梧村艾塘村潮灘村抱凌至邁陳村

為文昌邊自馮家村歷嶺椰埔排田村官塘村沙笪

水村龍灣村舊地村苗美園村至舊縣村會同邊自

教村草塘村潭門村斗牛村

營內村 歷頭村 稍村 得環村 後埔村 多坭岐村 古留村
招撫村 竹仔羅東邊田村 西邊田

村下坡村 嶺村 黃枝塘村 下至沙尾上村 為樂會邊

落尾村 油潭散村 買欄村 營馬容村 橫山村 栗鬼村

自南港村 歷多格村 青山北村 那落村 排田村 青頭仔

村梅蘿村 翁墳村 大塘村 番蘭村 烏塲村 下坡村 上

坡村 草洋村 保定村 南道村 烏坭村 新潭村 長山村

東澳村 至芋前村 為萬州邊 自南海村 歷舊凌水村

龍保村 烏石村 楊梅村 伽葉村 田頭村 獨嶺村 港波村 多輦

村多謀村 黎奄村 後嶺村 祖客村 嶺仔村 大墩村 桐

接村 益窰村 至上岫村 為陵水邊 自抱駕村 歷竹科

番村 鷹營村 至土岫村 為陵水邊 自抱駕村 歷竹科

村 墟村 溝赤陶村 赤面孔村 老麥村 番人塘 汗山村 寮

村 墟村 溝赤陶村 赤面孔村 老麥村 番人塘 汗山村 寮

尾村 董隆村 多岸村 荔支村 小橋營官道 白沙屯村

至木萬頭村為儋州邊自抱東村歷博早村沙螺村
坡地村多懷村卷蘇村至蘭林村為臨高邊自蛋場
居執村南村王洪村那嶺村
村歷東水村石壇村南楚至三墩村為澄邁邊自小
英村歷西場村白廟復至海口所為瓊山西畔邊周
環立界二千七百里惟海口所津渡往來如故自餘
魚鹽小徑俱禁斷不行從瓊州營撥兵擺邊如內地
侯闕定

山海經離耳雕題二國皆在鬱水南漢武帝始置儋
耳珠崖二郡元帝時罷孫吳置珠崖郡于徐聞地以
招遠人竟不從化隋始開郡設十縣又置儋耳臨振

二郡然元和志有之而隋書不載也惟誠敬夫人廟碑有賜臨振縣為湯沐邑之語今崖州是也瓊山漢為瑯瑯縣澄邁漢為句中縣文昌漢為紫貝縣感恩漢為九龍縣隋大業中置昌化陵水唐貞觀中改紫貝為平昌尋又析置萬州臨機二縣今為萬州臨高瓊山南境皆獠所居唐咸通五年遣辛旆李趙四將軍提兵擒黎渠將璘等遂定其地置忠州顯慶中復置樂會縣于黎黑村元將朱斌深入黎穴得峒六百復置定安會同二縣于唐忠州地

按史唐德宗時珠崖黎氏三世不賓嶺南節度使杜

佑討平之蓋蠻獠之長故為黎姓而後遂因之為號
云或曰蠻謂山曰黎以其人環居五指山下故謂之
黎亦作俚伊尹正四方獻所謂損子產里是也損子
產謂
食首產子蠻在內為生黎近外曰熟黎又有岐人即
也里音黎
隋書所謂色也錯居黎中黎人之俗男子耕農射獵
女子蠶桑織績居常以吉貝為衣僅掩前後名曰黎
桶椎髻額前女年及笄湮其面為極細蟲蛾花藹之
狀間以淡粟紋為之繡面男子亦紋臂股其富者男
戴藤六角帽花鬘纏腰銀環綴耳婦人戴花萸笠文
領露胸加褰數重以五色吉貝為之得中國絲帛折

Original text by the author

取色絲和吉貝織之為絳錦黎單殊精好嘗飲石汁
釀安石榴花為酒地產香木其木類椿及檉柳葉似
橘花白子若檳榔大如桑葢交州人謂之蜜香取者
先斷其根皮幹朽爛而心與節不壞沈水者為沈香
細枝堅實者為青桂香半沈浮者為雞骨香形如馬
蹄者為馬蹄香麓者為棧香有竹名篋箏為弩極勁
或云出思牢國李商隱射魚曲云思牢弩箭磨青石
繡額蠻奴三虎力是也然其音又轉為澁勒東坡有
詩云倦看澁勒暗蠻村即知為瓊產矣又有小馬翠
羽黃蠟之屬多為服器所資與為市者必因熟黎以

通于生黎亦有食宿其家與通有無者然重約信取
償必嚴大率歲加一倍一緡之逋累之十年即至千
緡得負責者輒穿繫之用荔枝木闕其頸以勒贖滿
數乃釋其俗不知禮義作木棧以居蒙之以茅形如
覆盆人卧棧上畜處其下男女無別嘗以春月為鞦
韆會淫歌相挑兩相諧合即為匹偶父母不之禁也
其送死鑿圓木為棺卜葬以卵擲卵不破即為吉壤
其村聚曰峒峒大者千家小者百餘家峒各有主父
死子繼夫亡婦代多有藏先朝文告者性凶悍好鬥
木弓竹弦骨鏃無羽射必命中刀槊不去手小失意

即起而相擊刺驍健耐勞苦騰踔險峻飄忽如風悍者或捕生蛇食之身膏蛇腥重報讐言刻箭為誓射着梁上雖易世不除報已乃除將攻讐言必先數日誓戒推牛酌酒共為犬嗥自謂其先狗種呼之以冀冥助也其合戰必令婦女從其後戰已婦女競出扶輿創殘拾墜矢兩不相犯為讐止一家傷婦女則婦家亦為讐益樹敵故不為也地出奇藥傷者服一丸立愈死者密葬之妻子相戒勿哭惡得不武名岐尤狠戾得內地人輒懸之以為射的使少兒習射或烹食之蓋其居益深去王化轉遠幾非人類也凡黎人岐人

皆吏治所不及唐取黎地開忠州旋發宋初用李承
矩為四州都巡檢使拊循得宜民夷安靖乾道間小
梗即用黎人王日存等招降之官日存為承節郎子
孫世襲五指生黎歸化者十餘峒由是峒首多王氏
有王二娘者饒財而得衆心受封宜人為三十六峒
主老無子請以女襲封許之慶元中通判劉漢初建
社學勸率有方黎獠遣子受業終宋之世無大亂元
初設黎兵萬戶府即用峒長典兵與州縣爭權相軋
遂以開釁而海南脊脊多事焉至元十六年用安撫
使陳仲達言大發兵遣都元帥朱斌深入黎巢刻石

五指黎婺得峒六百立定安會同二縣及萬全一寨而遷居亡何居野峒賊起生簿譚汝楫討平之迨至順間而黎獠王馬同王官福王六具先後叛攻陷會同樂會萬安文昌定安元統元年命叅知政事完澤會兵討之澤至軍受賄取成罷兵自是元亦不正矣明洪武二年永嘉侯朱亮祖定雷州威聲遠振諸黎望風納款獨樂會小踴洞未順命亮祖遣指揮耿天璧討平之盡革元人之弊黎官子孫不得承襲亂風少止永樂二年崖州太學生潘隆請身往招黎授知縣銜遣之招至七方等八峒生黎八千五百人及抱

有等十八村已而巡按御史汪俊民又言招黎當有
同類改遣宜倫熟黎王賢佑銜命以行與之約熟黎
隨產納稅一切徭役無所與生黎新附者免產稅三
年于是諸黎接踵至招撫官率之以入朝皆優詔勞
賜之歷宣德正統相繼不絕成化五年七方黎符那
南叛都指揮王璠討平之後十年其族人符南蛇復
起圍儋州昌化犯臨高上命伏羌伯毛銳將十萬衆
征之是時賊黨相連結甚衆官軍戰數不利指揮何
清没于陣諸將皆謂必先剪外寇乃可深入銳曰不
然我先搗其巢擒渠魁以令諸部誰敢不服所謂疾

雷不及掩耳者也遂進兵分軍為三令指揮錢璋將
左軍當達墟抱吉指揮馬義將右軍當落基落密參
將馬澄由中道入越三日攻克新場海田頭寨符南
蛇盡銳出戰中流矢赴水死餘黨悉平嘉靖二十三
年鷓鴣黎陳那任等犯安海指揮張世延戰死事聞
命安遠侯柳珣將大軍駐雷州督參將程鑒等進戰
破峒二百七十斬首五千五百登黎婆山巔而還是
役號為大捷然官軍忘失亦多萬曆二十七年倭寇
黎馬屎叛總督戴耀遣遊擊鄧鍾討之鍾分兵入定
泉水焦而身攻破門克之遂定居碌獲馬屎斬首十

八百凡此皆用大衆有戰功可紀者也其餘寇鈔時有師亦屢出或無功或師退而旋聚不勝書粵人郎中吳會期給事鄭廷鵠都御史海瑞及總兵俞大猷參將黎國耀等先後建議畧言黎亂不止由于大創之後漫無經理向化之餘貪吏啟釁耳欲計久遠莫若開十字道以貫其中堅以道里計之南北自府至崖千里東西自儋至萬六百里為距海直徑之數論其實自府南至沙灣三百里而遙自崖北至羅活三百里而近久為坦途未開之路南北不過二百里東西則又少矣誠能相其溪壑平其險阻使官民往

來周通四達則黎之險失而勢渙然後開設州縣置
 屯立戍輿圖所載有漢時樂羅縣址隋時延德縣址
 唐時臨川落屯縣址宋時鎮州鎮寧縣址皆在賊中
 不難循跡而復置也因拔其秀良彼以文教禁挾弓
 矢以變其凶戾之習則黎人皆為編戶而誅戮之慘
 可弭矣乃或以險阻瘴癘為疑不知黎境外若險阻
 內實坦平田皆膏腴閩楚亡命多逸入黎中室家聚
 居未始以瘴癘為苦也黎眾與瓊民較不過五之一
 行之有漸自不患其跳梁議者之說如是予按瓊郡
 地腴而民樸稻三熟蠶八綿不產虎狼而有香藥文

木之饒秀民挺生輝映史冊明太祖謂之奇甸非虛也獨黎人介處其間自外王化要亦猶夫人耳非如異類之不可格也漢人初開珠崖旅議棄之揚子雲曰珠崖志棄捐之力也不然將令鱗介易我衣裳蓋其憎疾之如此今竟何如耶元立黎兵萬戶府用反側之人以備他盜假之兵權反使吏不得禁其召亂固宜明初用文告柔遠而得少安利害畧可睹矣至于開道之議王文成公嘗用之平荆之後當時繫龍南山腹數百里以穿賊壘商販度嶺走番禺者皆樂其徑直久之遂成康莊輪蹄既多伏莽永絕成效可

覆按也舊志嘗言黎婺山高出雲表人跡所不到疑為天仙化人所居然朱斌程璽嘗登其巔矣烏睹所謂神怪者乎謂黎巢人不可至亦猶是矣略述歷代拊循征討得失之故著于篇俾後之君子得覽觀焉

四月癸亥朔

甲子質明同學士臣石柱郎中臣張建績主事臣殷特總督臣吳興祚巡撫臣李士楨拜廣東耕種防守事宜疏畧曰臣等會查得廣州惠州潮州肇慶高州雷州廉州等七府所屬二十七州縣二十衛所沿海邊界并海島港洲田地共三萬一千六百九十二頃零內原遷拋

荒田地二萬八千一百九十二項零額外老荒地三千五百項零應交與地方官給還原主無原主者招徠勸墾務令得所外有欽州所屬之潤洲吳川所屬之碭州隔遠大洋非蓬挽大船不能渡仍棄勿開臣等宣布

皇仁百姓灌呼載道據州縣衛所陸續呈報復業丁口三萬一千三百有零承墾田地一萬一百四十六項有零其丁口姓名及拋荒老荒開墾屯田鹽田竈田分別細數應聽該撫造冊另報照例起科邊界既開無蓬挽小船筏子准其捕魚漁課鹽課亦應照例起徵惟海禁如舊先因邊界沿海多設墩臺今既展復應將不緊要處

兵丁歸併緊要處議得欽州之龍門去州治五十里原
係界外海島小山交錯水途周通可以行舟亦可藏舟
為全省西南門戶緊要此處多設水師可以兼顧欽州
乾體而欽州乾體之重兵可裁應于龍門增設水師副
將一員都司一員其欽州營遊擊一員應裁去其下守
備一員千總二員把總四員兵一千十三名裁歸龍門
乾體營遊擊一員應裁去其下酌裁守備一員千總二
員把總四員兵九百八十七名歸併龍門共足二千之
數以立龍門營防城界連粵西交趾從龍門營撥守備
一員千總一員把總四員兵四百名駐守即于其中分

千總一員兵一百二十名防守王光十萬山如昔峒等處欽州應設城守從龍門營撥都司一員千總一員把總一員兵四百名駐劄即于其中分千總一員兵一百二十名防守烏雷海牙山港等處乾體營官兵裁歸龍門外尚餘千總一員把總二員兵三百七十九名仍留本營即于其中撥把總一員兵一百二十名防守冠頭嶺大觀港等處再從龍門營撥守備一員把總一員兵二百名駐劄永安所防守白龍城珠場寨等處自防城以下四路官兵俱令龍門副將專管仍聽廉州總兵官統轄從石城營撥千總一員兵一百名守急水砲臺從

雷州營撥千總一員兵一百名守樂民所再撥千總一員兵一百名守海康所再撥守備一員把總一員兵三百名守錦囊所再撥千總一員兵七十名守青桐流沙砲臺海安所係渡海任瓊州之津口緊要現設遊擊一員兵一千名應仍舊即于其中撥把總一員兵一百名分防三墩白沙等處從白鶴寨撥千總一員把總一員兵二百名分防雙溪口庫竹渡海頭臺等處海安白鶴二營仍令雷州副將專管從吳川營撥千總一員把總一員兵一百五十名分防麻斜限門等處從高雷總兵營撥把總一員兵五十名守茂名之那萊臺從電白營

撥把總二員兵一百三十名分防赤山港山後港河口
砲臺等處自石城以下諸路仍聽高雷總兵統轄從春
江營撥把總一員兵五十名守白額港再撥守備一員
把總一員名二百名守雙魚所再撥千總一員把總一
員兵二百名守北津寨從那扶營撥把總一員兵七十
名守陡門港從廣海營撥千總一員把總三員兵二百
五十名分防橫山長沙圓山銅鼓角諸處從新會撥
千總二員把總一員兵三百名分防崖門虎門山外海
嘴等處香山縣之前山寨去澳門二十里在海邊緊要
設有副將官兵二千名應仍舊但向來止駐縣城未赴

汛地應量留都司一員千總一員把總一員兵四百名
防守縣城餘兵一千六百名及本副將應令移駐前山
順德縣係省會西南水路門戶緊要設有總兵官兵三
千名應仍舊自春江以下諸路仍聽順德總兵統轄東
莞縣之虎門寨在海口去縣六十里係省會東南水路
門戶緊要設有副將官兵二千一百八十名應仍舊但
向來止駐縣城未赴汛地應令移駐虎門即于其中撥
千總一員把總二員兵二百名分防橫雷砲臺山前砲
臺三門砲臺諸處從新安營撥把總一員兵一百二十
名分防碧頭臺嘴頭角南山臺北佛堂等處虎門新安

二營仍聽左營總兵官統轄從惠州營撥守備一員千
總一員兵二百名駐大鵬所分防老大鵬等處再撥都
司一員千總一員把總一員兵二百名駐平海所分防
盤圍口稔山汛等處大朋平海二路仍令惠州副將專
管從碣石衛撥千總一員把總一員兵一百五十名駐
墩下寨分防青草頭鮎門港再撥遊擊一員千總一員
把總一員兵六百名駐捷勝所分防扁涌湖大德港烏
墩港等處再撥守備一員把總一員兵一百五十名駐
甲子所分防湖東港田尾山等處墩下甲子二路令捷
勝遊擊惠管從惠來營撥把總一員兵一百名守神泉

港再撥守備一員把總一員兵二百名守靖海所兼防
小黃岡自墩寨以下五路仍聽碭石總兵統轄從海門
營撥千總一員把總一員兵八十名分防河背砲臺猷
灣等處從潮陽營撥把總一員兵五十名分防桑田堡
等處達濠新設副將官兵三千名原非經制部議令于
全省額內通融酌裁今經總督題留在全省額內裁去
三千名以合原舊總額查達濠雖係要地但在碭石潮
州之間兩地各有重兵而達濠又置三千之戍浮多况
現議設守南澳足以壯潮揭聲援應將副將及都司二
員守備二員千總四員把總八員兵二千名裁去止留

守備一員千總二員把總四員兵一千名改設遊擊一員以領之即于其中撥把總二員兵八十名防河渡河磊石門從潮州營撥把總一員兵五十名防守青嶼海口從澄海營撥都司一員千總一員把總一員兵三百名駐蓬州所分防溪東港鷓汀背等處再撥守備一員千總一員把總一員兵二百名駐南洋分防樟林山頭仔等處從黃岡營撥都司一員千總一員兵一百名守大城所再撥守備一員把總一員兵一百名守柘林寨再撥把總一員兵三十名守分水關自海門以下諸路仍聽潮州總兵統轄南澳海島離岸四十里係粵閩接

壤之區全省海疆東北門戶扞衛潮漳最稱緊要應設
官防守但經部議令粵閩督撫提臣會議具題不便遠
議俟臣等至閩會同將軍施琅于閩省議設兵防之日
再議具題至于附近海島洲港既已給民耕種應聽地
方官酌撥官兵防守自防城至分水關沿海防守兵丁
共一萬四百名瓊州府孤懸海表轄十三州縣黎人居
其內周圍二千餘里設有總兵官官兵四千六百餘名
海口所北渡襟喉設有水師副將官兵一千二百名應
仍舊至邊海水師應設船隻聽該督撫另行議題所裁
副將遊擊都司守備該督給文赴部候補千總把總留

于本省遇缺補用其添設龍門副將一員都司一員達
壕遊擊一員聽部照例推補可也

屯田設于明初因明太祖初得金陵民無定居耕稼
盡廢糧餉匱乏命諸將分屯龍山諸處自後漸推于
天下廣東之制定于永樂二年大約每所設指揮一
轄千戶五每一千戶轄百戶十每一百戶轄總旗二
小旗十旗軍百凡一百十二人為一屯五千六百八
為一所其定額也然亦有一百戶而止轄旗軍七八
十名者一千戶而所轄百戶或七或五或三者一指
揮而止轄兩三千戶者每旗軍一名給田二十畝計

其所入約米十八石令以十二石自養六石輸官為
操守班軍之餉小旗則每名給田二十二畝總旗又
蓋至二十五畝而輸官皆止六石用以厚之正統間
復令每軍給種子一石每兩軍給耕牛一頭其更番
之制以三分上班七分屯上班哨守則又有每月
月糧一石行糧四斗五升之給初制未嘗不善也其
後日久廢弛官軍往往盜賣衛所腴田半為豪民占
奪所存荒瘠不足輸官枵腹掛名而已甚有田已去
而軍籍存日久而迷其所賣之主以致不耕寸土而
空輸每畝三斗之籽粒者本軍貧不能納則扣其伍

軍之月糧又益以官舍之賂累軍政遂以大壞貧軍
困不能支請改折請丈量紛紛不已于是有水坍沙
壓荒占迷失之籍量減科糧至每畝一斗參差不等
國初盡罷衛所屯軍籍昔日之屯田領于縣官紛紜
一洗然籽粒之徵仍為每畝三斗視民數田倍軍戶
畏避逃竄日益荒蕪元年畫界瀕海者多在界外八
年展復猶未盡開十年巡撫劉公秉政憫軍丁困苦
疏請減額照民田上則起科每畝八升八合八勺一
抄見于省志今屯冊所載猶用舊額未暇深改其遷
移田土之數除墾復外現在給民者廣州左衛田地

五十六項零廣州右衛田地七十九項零廣州前衛
田地四十三項零廣州後衛田地七十三項零廣海
衛田地六十五項零新會所田地二十二項零新寧
所田地七項零香山所田地一十四項零南海衛田
地一十八項零東莞所田地六項零太鵬所田地一
十五項零碣石衛田地五項零甲子所田地三項零
平海所田地一項零潮州衛田地一十二項零澄海
所田地五項零大城所田地一項零寧州所田地四
十項零已彙入州縣民田之中因分隸不定附載于
此

洪武二七

十四場

屬新安

安縣曰必

曰招收

併入東

五場曰

合浦縣

縣曰傳

也餘海

來縣有龍井場

見志

則初制所無也其歲額有出之竈

戶者有出之水客者有出之商人者在場煮鹽者為

竈戶有日辦三斤夜辦四兩之課赴場買鹽者為水

客有生鹽熟鹽抽價之課從客受鹽而行之贛吉南

安諸府者為商人有正鹽餘鹽納引之課竈戶之課

徵之兩提舉司水客之課推之神安斗口諸埠商人

之課收之滄漕廠廣濟太平二橋軍國之需頗賴以

濟

國朝仍明之舊元年遷界諸場多在界外仍許竈戶單身

出界熬鹽然虧課甚多三年後無徵鹽課八萬四千

五百八十三兩有奇略居原額之半展界後漸增二十一年尚缺七千七百九十一兩有奇未入題奏乃各場地名多與邊界相出入附志于此備參攷焉

粵閩巡視紀畧卷三

粵閩巡視紀畧卷四

工部尚書杜臻撰

四月癸亥朔始畢粵事次日甲子自潮州發九十里至黃岡又二十里至閩界之分水關詔安境也閩撫金公紘候于關口先行請安禮乃及閩事議自分水關始循海而東歷漳泉興福而至福寧州

按閩地爲中國之東南隅而島番日本正直其外元明以來時有寇擾故海防爲尤重其地在周秦時爲越國之支封漢元鼎間始列郡縣然兵制不可考吳長沙王孫策始立南部都尉于建安晉置典船校尉

于福州唐開元十九年設泉州府兵至德間復置經
畧寧海二軍宋置崇節保節二軍指揮及兵馬都監
皆統之于郡守故當時典郡者有郡將之名元設萬
戶府明高祖洪武二十年命江夏侯周德興經畧海
上置沿海五衛十二所曰福寧衛領大金定海二所
曰鎮東衛領梅花萬安二所曰平海衛領莆禧所曰
永寧衛領崇武福金門中左高浦五所曰鎮海衛
領六鰲銅山懸鐘三所其隙地支地控馭所不及者
更置巡司以承其彌縫焉陸路之防既固又作烽火
南日浯嶼三水寨擁戰艦以備躡寇之用景泰間尚

書薛布理奉命巡閱復增小埕銅山二寨謂之五寨
互爲首尾迭相呼應而苞桑之籌益密嘉靖四十二
年巡撫譚綸以倭警屢作議設總兵及三路參將以
福甯爲北路興化爲中路漳州爲南路而重五寨之
權各置欽依把總以三舊寨爲正兵二新寨爲奇兵
定爲分合哨守之制積弛一新隆慶間復設浯銅海
壇二遊總萬曆四年始設南澳副總兵又置懸鐘遊
總隸之于是五寨三遊各據要轄頗稱良法矣福甯
州北界浙省東臨洋背倚叢山上遊之要樞也故于
烽火門置寨曰烽火寨外以聯絡浙兵而福甯衛

大金所協守于內福州之閩安鎮縮鼓海口蕃舶商
船交通羣聚省會之門戶也故于連江之定海所置
小埕寨隸于南路而鎮東衛梅花所協守于內興
地處東南之隅曲倭船入寇獨當其衝閩海之腰脊
也故于莆田之東環嶼之南日寨而平海衛及萬安
莆禧二所協守于內泉州外連金廈控引彭湖東番
即臺匪茹糾結相倚爲姦石液之巖險也故于晉江
之外洋置浯寨隸于南路而永盛衛及崇武福全
金門高浦中左五所協守于內漳州西界粵省前倚
南澳東連金廈游氛往來控制不易甌越之襟喉也

故于詔安之井尾澳設銅山寨而鎮海衛及六龜銅
山懸鐘三所協守于內明代兵制畧具于此崇禎間
海寇劉香老爲崇繼以鄭芝龍邊境騷然多事其後
芝龍就撫授爲潮漳總兵資其扞禦海疆稍靖 國
初芝龍入朝其子成功復叛以金門廈門爲巢出沒
于同安海澄之間 王師撲討同海漳泉皆宿重兵
或駐滿甲不復因仍舊制後頗議欵而成功益肆陸
梁會

上初即位誅芝龍下 詔諸將一意討賊兵部尚書蘇
綱海奉 命遷界自省城閩安鎮始北抵浙界之沙

崖六百七十里南抵粵界之分水關一千一百五十里通爲閩邊一千八百二十里築寨固守禁民外出其入海之水曰潘渡河曰銅鏡河曰廉村河曰洋尾河曰大梅河曰赤頭河曰雲霄河曰開溪河皆斷而守之昔之寨遊衛所大率皆棄置是時靖南耿藩提兵一萬自粵徙鎮而又從納海之請加兵七千以壯居重馭輕之勢規制一變康熙八年都統濟賚奉命安兵稍拓舊邊然斗絕之境及諸洲島猶棄不守實又請益兵

上不許止令移閩安一鎮于海澄而以戍守閩安責之

藩屬既而海逆內訌竊踞漳泉旋即迅掃蕩平盡收
舊境于是提鎮諸營皆移海外而內地之守星羅如
故焉今各營現在抽防內地者則有

詔安營遊擊一守備一千總二把總四兵一千名舊額

雲霄營參將一守備一千總二把總四兵一千名舊額

八年曾
駐總兵

漳浦營總兵一遊擊三守備三千總六把總十二兵

三千名八年移漳州總兵劉炎防守漳浦
懸鐘等處駐紮雲霄後分設二處

漳浦城守營參將一守備一千總二把總四兵一千

名八年係
遊擊

粵省通志見已錄

海澄營副將一遊擊二守備二千總四把總八兵二

千名元年前不拘何處調兵三千防守元年議移

汀鎮兵二千又加一千共三千名防海澄其汀鎮另設後改用水師提督鎮兵四千防海澄八年提督奉裁兵歸陸營另移閩安鎮兵三千防守海澄

漳州營總兵一遊擊三守備三千總六把總十二兵

三千名舊額

漳州城守營副將一遊擊三守備三千總六把總千

二兵二千二百名

灌口龍江營參將一守備二千總二把總四兵九百

名灌口屬同安龍口屬漳州

同安營副將一遊擊二守備二千總四把總八兵二

千名

八年前因海上投誠兵一千八年又加一千

泉州陸營叅將一遊擊四守備五千總十把總二十

兵五千名

泉州城守營叅將一守備一千總二把總四兵一千

名

惠安營叅將一守備一千總二把總四兵八百名

興化營總兵一遊擊三守備三千總六把總十二兵

三千名

興化城守營遊擊一守備一千總二把總四兵一千

名

八年設二千名

福州蒜嶺營守備一千總一把總二兵二百名

福清營遊擊一守備一千總二把總四兵一千名從舊

長樂調兵五百名元年議歸併
長樂另設兵一千防守福清

長樂營遊擊一守備一千總二把總四兵一千名分舊

五百名守福清
元年歸併長樂

閩安陸營參將一守備一千總二把總四兵二千名

舊額陸營三千名元年加水營一
千名總兵一八年調陸營守海澄

連江營遊擊一守備一千總二把總四兵一千名設舊

兵一千分五百守羅源元年全
調防羅另設兵一千守連江

羅源營遊擊一守備一千總二把總四兵一千名設舊

連江撥兵五百名駐防元
年全移連江兵一千駐防

福寧營總兵一遊擊三守備三千總六把總十二兵

三千名舊額八年同

桐山營遊擊一守備一千總二把總四兵一千名元

議福寧州地濶兵單應再
添一千名擇要害地駐紮

共二十二處其全營駐紮不分調者則有

分駐廈門海澄水師提標參將一遊擊四守備五十

總十把總二十兵五十名

駐紮銅山總兵一遊擊三守備三千總六把總十二

兵三千名

桐山城守營遊擊一守備一千總二把總四兵一千名

駐札廈門總兵一遊擊三守備三千總六把總十二兵三千名

駐札金門總兵一遊擊三守備三千總六把總十二兵三千名

浯嶼營遊擊一守備一千總二把總四兵一千名

晉江營遊擊一守備一千總二把總四兵一千名

圍頭營遊擊一守備一千總二把總四兵一千名

平海營遊擊一守備一千總二把總四兵一千名

海壇營總兵一遊擊三守備三千總六把總十二兵
三千名

駐札鎮東衛閩安鎮副將一遊擊三守備三千總六
把總十二兵三千名

凡十一處諸汛地多向所不守以新定添設重兵與
內地並存候閱定

乙丑粵督臣興祚撫臣士禎並詣行帳行請 安禮北
向跪興祚奏曰 臣自縣令蒙

皇上特恩擢臬司遷巡撫陞總督先在閩中鯨鯢未靖
臣曾捐軀血戰此至兩廣嶺表初平分遣將士剪除餘

聖今使 天威境內安堵 臣于疆場之事無可効力惟
有潔已愛民赤心報國嚴加防守以固封疆伏祈 天
使代奏士禎奏曰 臣蒙調巡撫幸遇昇平時和年豐境
內盜謐但沿海居民雖經展界因海禁森嚴尚懷疑畏
開墾無多今蒙

皇上特遣大臣將沿海田土給民復業所至歡聲載道
三月之間遂已開墾一萬餘頃皆由

皇上至仁普覆大臣宣布得宜故能如此神速其餘尚
有拋荒地一萬餘頃 臣等當率各屬捐給牛種資助
貧民不過數年可以全復至于沿海小民多以捕魚爲

活應許其小艇輕筏附近採捕庶饑困可蘇伏祈代懇
睿鑒允行臣臻受辭謹識之二臣頓首辭去又行三十
里止詔安是日與泉道丹達禮雲霄叅將袁廷芝至
丙寅共登梅洲之八尺門望銅山

漳州府屬縣十濱海者四曰詔安曰漳浦曰海澄曰
龍溪龍溪附郭元年畫界自粵界之分水關厝赤南

山

鳳山亭
大典寨

至梅州寨爲詔安邊邊界以外斗入海三

十里懸鐘所附海十五里西張西岐嶺十里竹巷梅
嶺皆移共豁田地三百八十四頃有奇又平和縣豁
免田地二十五頃錯壤也于梅州寨因界設守八年

展界安兵十一處

分水門五十名十八葛十五名琉璃嶺五十名白馬坑二十名赤南

山十五名洋林村

千總一兵一百名洋尾橋龜山把

總一兵四十名華寮

十名懸鍾嘴五十名梅嶺千總

一兵二百五十名梅洲

遊今從詔安營撥守四汛

守千把各一兵五百名

關把總一兵五十名洋林寨千總一兵一

百五十名東洋尾

河十一名龜山三十名又從漳浦

鎮右營撥守八汛

懸鍾把總一兵一百五十名梅嶺

公子店三十六名

梅州寨遊擊一十總一兵二百五

十八名八尺門千總

一兵一百名江頭汛七名烈嶼

八候閱定

列嶼誤應

作嶼嶼

詔安縣宋為南詔場有臨水驛元至正間右丞羅良

命屯官陳君用城之弘治間置下戶所正德間設捕

盜通判尋廢嘉靖九年設縣治相傳名南詔者乃以

風景類滇南云

龜山在縣西南二十五里上有巨潭禱雨多應有石
洞可容數十人山之西有潮漳分界巡司度象頭而
止山外即潮境矣

洋尾山有石井中有兩孔旱潦不涸溢

真武山前有官嶼其形如龜後即洋尾石橋其形如
蛇

大南山與龜山綿亘數里若巨屏然其嶺產蘭
山疑即赤南

梅洲有大陂溪經馬洋至大陂南繞梅州村復抵漸

山入海漸山在縣東五十里高峭千仞頂分二峯有潭深不測宋進士翁待舉陳景肅揚仕謹仕訓讀書其中種榴數百株號石榴洞紹興間有吳大成者當秦檜柄國時隱居是洞講明正學與莆田相陳後鄉遊處仕訓考亭門人也待舉葬其旁之甘嶺山土人號曰知州山以待舉嘗知瓊州軍故也今于梅溪築砦以守梅河遠其南渡河爲大梅山更南即海口名八尺門渡海面五六里得大洲金石洪浚二巡司及走馬溪在焉其東即銅山矣

走馬溪距懸鐘梅嶺各二十里

南澳遊故設欽總一員官署二一在南澳鎮之太子樓一在縣鐘所之宮前澳領戰艦三十四兵九百十八名彭山雲蓋寺走馬溪其汛地也太子樓在鎮城之東有後宅城閩人傳海寇林道乾和人血築之彭山有三島其居人四姓有上彭中彭下彭之別在雲蓋寺東大洋中水深三十餘托倭寇閩粵來往所必經

縣鐘山斗入海中形如覆鐘相屬處如華髻亦爲孤峰舊于其處置所城爲周江夏所建操屯軍一千一百九十名在詔安東南二十里有果老山在城中四

面八山連環相向其南有宮前澳一名勝澳即遊兵營汛防所駐也澳內可泊南北風船百餘又有東山望陽臺環所爲洲者七曰蛤洲獵洲敏洲紅洲卧岡洲陳洲蛇洲南三十里爲粵之柘林東行半潮水爲雞母嶼

甘山一名柑山在銅山南海中二山相對有大柑小柑之名山上有井水獨浚相傳仙人遺柑其上山下水深二十餘托東番澎湖倭賊往來之區中有一礁曰羊礁舟至此宜慎用單坤針三更可至南澳旁有四嶼曰虎仔曰南村曰崎曰大眠而柑山最奇遠望

若一小髻天將風雨狀態百變若屏若屋若獅象之
形

川陵山在銅山南半入于海相傳宋帝昺南渡將都
南澳築此爲東京地隔爲海至今城堞尚存自山巔
向海莫窮其際有屋材竹木時時浮出潮退後居人
駕舟取以爲薪其峰秀聳號曰蘇尖又號蒼凌又號
東山其東隔海山若列屏曰杜尋科第踵出與是山
相接者曰虎岡山峰巒秀麗曰揭榜山東湖水出其

下

是日行七十里止雲霄丁卯行八十里止漳浦

九年畫界自梅州寨歷油甘嶺

高塘洋雲霄鎮大梁山高洋口苦竹嶺秦

溪村荔枝園沿江

橋趙家堡張坑

至橫口為漳浦邊邊界以外斗入

海四十里月嶼二十里舊洋附海三十里虎頭山十

五里埔頭十二里後葛司十里洋尾橋杜潯七里舊

鎮皆移共豁田地一千一百六十三頃于荔枝園高

洋口因界設守八年展界安兵二十三處

大水窟三十名樹洞

把總一兵一百五十名長坑二十名雲霄南岸廖家

橋把總一兵一百名北岸荷步千總一兵二百八十

名廖家樓砲臺二十名嶼頭二十名杜潯遊擊一千

總一把總一兵三百八十八名南山十名眉田寨把總

一兵八十名苦竹十名荔枝園千總一兵一百三十

名舊鎮十名下嶼十名黃家寨把總一兵一百三十

名保安二十名赤水十名臺山十名南山十名趙家

城遊擊一把總一兵一百七十名將軍嶺千總一兵

一百六十名大帽山南難今從重
冠山二十名高山二十名
十名隸付頭十名廖家接把總一
名荷步千總一兵六十名北興十
五名又從漳浦鎮中營撥守八汛十
二百名青墩把總一兵七十名杏
十名山頭廟三十名眉田寨把總
扈頭礁又從漳浦城守營撥守四
三十名
十名南景把總一兵五十
名赤湖千總一兵六十名又從澄
汛鎮海衛內大坑把總一兵五十
百名東坂把總一兵三十名連
有二十名崎沙把總一兵五十名
海衛遊擊一把總一兵二百五十
漳浦古名綏安縣孫吳永安三年
晉時猶存南越志云綏安縣北有

伐木爲船其大千石以童男女三千人舉之既而人
船俱墜于潭時聞拍船有唱喚之聲往往有青牛馳
而與船俱見一名越王潭綏安縣不知何時廢唐垂
拱二年復于雲霄之梁山下置漳州漳浦縣以漳水
出其南故也開元四年徙于李澳川即今治也原屬
附郭貞元二年徙州治于龍溪始爲支縣
李澳川其源有三一自平和五寨一自南靖龍嶺崎
溪一自盤陀嶺九曲溪匯流于此川
雲霄溪源出平和南徑雲霄鎮一名西林溪
綏安溪在縣南八都東流合于李澳川

漳江自西林出海水自銅山來迎之清濁合流而成
章故名或云陳將軍爲此水如上黨之清漳故名
梁山在縣西南三十里有九十九峰其高千仞亦稱
梁岳開元中鐘紹京作尉擇其可名者二十四峯以
蓮花山爲中峰有齊帝石齊武帝所賞也帝嘗任宋
爲贛令晉安王子勳反糾之不從被囚南康郡獄徒
人蕭欣祖門客坦京等破械迎之出避難揭陽因至
此有水晶坪以產水晶而得名有晉亭峰以葛洪居
之得名開元十二年十一月朔旦山出祥雲如天仙
佛像麟鳳花草之狀彌亘百里經月方息是時天子

封禪泰山都督辛子言以聞宋議郎吳與居于山麓
多異書

雲霄山去梁山四十里以其高聳故名一名大神仙
俗呼大臣山山下即雲霄鎮山後有玉女仙人二峰
將軍山在雲霄城西與大臣山隔溪列峙唐戍將陳
元光居此元光字廷炬回始人父政以功拜玉鈐衛
翊府左郎將高宗總章二年泉潮間蠻反政領嶺南
行軍總管事出鎮綏安故地與許天正盧如金等三
十人入閩保九龍山後得五十八人姓爲授進屯梁
山外之雲霄鎮卜居火田村今如金屯雲霄之修行

里儀鳳二年政卒元光代領其衆元光通儒術習韜
鈴年十三舉鄉薦第一及領州事廣寇陳謙結蠻酋
苗自成雷萬興等攻臨潮陽元光討平之永徽間嶺
南盜起循州司馬高璇令元光赴潮潛襲寇壘俘獲
餘衆表悉平進嶺南行軍總管嗣聖二年請建一
州于永潮間益七閩爲八許之以元光父子世守南
土邊民畏服令建漳州漳浦郡于綏安世守刺史元
光又請以部曲馬仁等爲司馬從之境內稱治已而
苗雷餘孽復熾元光討之爲賊將蓋奉高所害事聞
贈豹韜衛將軍追封潁川侯後以數者靈異歷朝累

封靈著順應昭烈廣濟王子珣字朝佩先舉明經授翰林承旨學士及元光被害率武勇襲殺藍奉高奉朝命代領州事凡十九年卒謚文英子鄴字有苞舉秀才授軍遠縣令州人以刺史艾伯梁不能其官詣闕舉鄴代領州事許之遂命爲中郎將漳州刺史受事二十九年卒謚忠憲陳氏四世守漳皆能得民心至鄴子謨而失其官朝命柳少安爲刺史猶命謨以中郎將檢校本州別駕少安令謨白觀察盧諶議建州治于龍溪得請州治遂移而漳浦縣治李澳川如故謨後復以平廣寇功兼漳州刺史今將軍山下有

陳王墓蓋元光葬父政處相傳葬後相冢者言山有
王氣元光改葬大峰山以避之宋宣和間有傭人林
機詣縣官言陳王將徙冢反雲霄有磚一坎在普賢
院請遣五百人徙之發驗果然遂爲徙磚詣改葬處
越數日居人望見有數百人羣作即之獨機在耳久
之又見有旗幟鼓吹自峰山來趨視之則新冢成矣
由是居民益以爲神山傍有火田溪即政初徙處也
民至今燒畬以田馮祐志載李氏者閨媛能時有汲
水詩云汲水佳人立曉風青絲展盡輓轆空銀綳觸
破殘粧影零亂桃花滿井紅又書懷云門對雲霄碧

玉流數聲漁笛一江秋
衡陽雁斷楚天濶幾渡潮來
問過舟其地又有靈王試劍石

盤陀嶺梁山之支壑為入粵孔道舊置盤陀巡檢司
漢為南越之蒲葵關唐李衛公德裕貶嶺南過此作
詩云嵩少心期杳莫攀好山聊復一開顏明朝便是
爰荒路更上層樓望故關宋世號蔡岡嶺有無象菴
在其下前此山多逸象為暴有頭陀吳姓祖華者構
菴久之民居日稠象跡遂絕因以名

臺山高數百尺平坦如臺近視與諸山齊海上舟人
望之則見其特出羣峰上

大帽山在縣東北八十里高聳圓秀林木蒼鬱頂有
黃茅若戴帽然又名戴帽山上有玉川瀑布新村石
鼓龍漆潭寶珠石諸勝又有天湖悟道普陀金山碧
石龍雲石獅弘道入巖北行則爲海澄南行則爲鎮
海衛

銅山所在五都一名東山明初易今名白縣西南一
百二十里至其地縱橫各百里有城周江夏所築故
設操屯軍一千一百九十名又有水寨欽總一員統
戰艦四十五兵一千一百七十七名先置于井尾澳
景泰間移此城依古樓山爲固三面阻海勢絕險嘉

靖間海寇吳平引倭攻圍數月不能下自來科甲不絕稱文獻區古樓三峰中峰有南溪書院東峰有東壁書院城東西二澳各歲南北風船百餘東澳有塔寺曰東門澳上多怪石產諸藥品有石室可容二十餘人一石如船一石如人戴笠其下激浪狂湧俗呼大驚門更東有五嶼相錯所謂鐵釘雞心虎窟空及銅坑銅鉢也歲北風船十餘南一山高聳曰蘇共泊北風船十餘更南曰鶯殼澳泊南風船三十餘更南為宮仔前泊北風船五十餘折而西為士員嶼走馬溪泊南北風船五十餘商人往來及賊舟之自東番

彭湖來者必于此收泊南會哨于懸鐘北會哨于渚
嶼六鰲古雷井尾鎮海皆其汛地也

鼓雷山在縣東南五十里一稱古雷高出秀聳爲鋼
山外翰有古雷後葛二巡檢司由杜尋後葛油澳以
達于古雷皆並海曲行峻崖險絕益其地斗入海中
如伸一臂也山瞰大海潮聲時至有如雷鼓相傳葛
洪嘗煉丹其上石竈猶存後葛所以名也下有井旁
多茶樹相傳宋幼主嘗于此汲水煮茶擲棄餘瀝久
而藪生成林也山根多惡礁舟觸之立碎南北泊船
皆可二十餘天啟癸亥紅夷嘗至

沙洲在銅山東南海中泊北風船二十餘爲大洋外
蔽商賈多行其裏西北對峙者曰杏澳近古雷可泊
南風船五十餘萬歷己未賊素進孝李忠率六十舟
于此就撫

東墻菜嶼在沙州東北海中二嶼相鄰而菜嶼在其
內冬月石礁潤出皆生紫菜故以名內有井仔澳泊
南北風船三十餘

六鰲所在縣東六十里如巨鰲戴岳亦曰鰲山有城
周江夏所建操屯軍一十一百九十名澳口有沙線
水落乃出可泊南北風船三百餘線外又可泊五十

餘內通舊鎮爲萑苻出沒之區域東北五里許一山
崛起曰虎頭山可泊北風船三十餘隻頭礁苦竹寨
眉田寨皆在其內萬曆戊申紅夷駕夾板船入虎頭
山據一防弁至天啟三年又至盤踞匝月五年爲賊
鍾之鵬所據廣賈路絕久之乃通其下有雙石生海
中大浸不沒又有雙洲如門廣船入閩必經此
將軍澳在東牆之西可泊北風船四十餘下有礁曰
將軍礁舟船遇之輒碎濱海人多乘槎以取蠟相傳
陳元光嘗駐兵于此或云古閩越王驩驩力等爲吞
漢將軍使據險拒漢故以爲名未知孰是海中島嶼

甚多可指者曰魚腸嶼通鹿溪曰竹嶼有居民數百
家曰石城嶼亂石敬壘若城曰大桑小桑土宜桑而
人業漁今人多呼大嵩小嵩也有浮沉嶼視潮漲減
爲小大漲若沉減若浮又有大濼小濼之屬嘉靖九
年正月海中諸峰忽沒不見頃之三山併爲一峰屹
立摩空作樓臺之狀三日乃已益蜃氣云

青山巡檢司在將軍嶼之北亦一山斗入海者自丹
鼉山鐵鼉坑南行三十餘里平沙漠漠可泊南風船
四十餘折而西爲燈火墩亦可泊南風船
井尾巡檢司在青山北南距鴻江四十里可泊船百

餘內通白石赤湖佛曇橋荏蒲所出淺澳口多礁巡
船必避之非潮至八九分不可入鴻江者黃如江也
訛爲鴻儒其出海處曰鴻江澳亦名鴻儒嶼天啓辛
酉于其地設遊兵營把總一員乙丑又設陸兵一營
澳口多礁惟淺船可入又不利南風夏至後巡船輒
棄井尾去防守孤弱窺竄益多有愁城之名
鎮海衛在鴻江南十里有城周江夏所築操屯軍四
千九百名城三面環海太武山擁其後登雲龜嶺鴻
岐五星諸山環其旁鴻江遶其南東提南提浮于前
如龜魚泛水城中有山曰後山古山昭山曠山蒼山

又有七星井柳樹井民居蕃富科第不絕太武山去
衛五里一名太母山上有太武夫人壇相傳閩中未
有生人時夫人獨先居此列仙傳云皇大姥閩人婺
女之精即指此也其山周百餘里高千仞登其巔東
望大海無際漳郡諸列城指掌可數其名勝有浴仙
盆仙人跡旁大石刻象徑雲根洞五大字有延壽塔
營構甚工可生十數人高數仞海舶望爲標的有紫
石佛高約三尺其質蒼白上現紫點如粟有小石城
曰秦建德城又有錦亭峰石鐘樓九霄巖石眼泉及
滄槃馬蹄百丈仙龜諸石馬衛左一石臂橫亘海中

曰岐尾臂之南北皆可泊舟然非風便利北船不得
厯尾而南南船不得厯尾而北一過撞岸必立碎也
東旋在東北南旋在東南水皆深三十托賊自彭湖
東沓來者必以二旋爲標從二旋用未坤針四更可
達大小柑山也衛之東門常寨有識曰石狗吠金雞
啼東門開賊就來嘉靖辛酉一開而饒平賊張連卒
至臨城大掠而去其旁有半洋洲在水底東接龜嶺
西接南鎮嶼如遇風晴見白浪一條長百餘丈亦名
白玉礁岐尾之北有白坑冬月北風飛沙四集一望
浩然故以名西望中在北望料羅近望東旋遠望圍

頭皆歷歷也澳內可泊北風船百餘彭湖遊汛常于此發棹焉又北爲島美今日積美寶島尾之訛耳舊有島尾巡檢司屬海澄縣衛城中有鎮撫司署及五千戶署豫備倉軍器局儒學旗纛廟又有東瀛書院祀朱子又有陳布衣周翠渠兩先生祠布衣名真晟字剝夫其先泉人篤志正學天順中詣闕上書翠渠名英字梁石其先莆人嘗知廣德州授絃歸與布衣同時講學鎮海故戎壘自有兩先生文風始盛兩家之先亦以戌至後遂占籍而長子孫也嘉靖中一齋豐先生熙由翰苑謫戍于此始白當事祠兩先生惠

安張岳爲立碑產石蟻生海底石孔中類螻圓尖上
小下大殼類竹蠟而更紅紫石孔本小蟻長孔亦隨
大海人用小鐵鑿破石取之

戊辰行九十里止海澄施將軍煨自廈門來會

已巳漏下四鼓同登緞繒船過圭嶼涉海七十里至廈
門

元年畫界自橫口歷洪礁

蜀石山關前村蔡家庄

至三义寨爲

海澄邊邊界以外附海十七里陳輝村十二里甘輝
村七里大江等皆移共豁田地七百八十四頃有奇
于石馬洪礁團山三义寨因界設守八年展界安兵

八處 團山把總一兵一百名大江二十名圳尾千總

名中權關口三十名上恒泥港十 今從海澄營撥守

五名石馬十五名福許二十名後境把總一兵二十名

五汛 三都把總一兵五十名 海門山十五名

又從漳浦鎮左營撥守三汛 石馬遊擊一千總一把

福許千總一兵一百四名三汛 候閱定

河千總一兵一百二十六名

海澄故為龍溪漳浦地嘉靖九年都御史胡璉以嘉

民多闕出通番者請置安邊館于海滄委通判一員

駐理而闕出者益不止二十五年都御史朱統用副

使柯喬識欲以海滄月港等澳耆民充捕盜備倭都

指揮黎秀獨以為不可已復上議曰近署安邊館乃

益知姦民曲折其船皆造于外島泊于外澳或開駕
以通番或轉售于賊黨而嵩嶼長嶼漸尾海滄石馬
許林白石等澳在在皆賊之淵藪也不亟窮治恐益
滋蔓議上忌者羣毀之秀坐免官亡何倭果大熾遂
改安邊館爲靖海館二十九年閩寇大起多據地以
拒捕而月港亦爲賊巢官軍于海滄白石鎮海野馬
井尾分道逐擊賊始敗遁叅將王麟追及于古浪把
總劉一桂追及于荆嶼斬獲數百擒賊首許西池等
及倭衆三千餘海疆稍靖四十二年以委員非專任
特添設捕盜同知以治之四十四年用知府唐九德

議即海防館設縣治割龍溪東境一都至九都之地
及漳浦縣地以隸之營構城署至隆慶元年乃成此
州邑所自始也蓋海之險在水有窺曲可以藏舟予
自廣至閩歷詒安漳浦之境皆自西而東海在南面
至漳浦之青山則折而北海在東面懸鎮海衛復有
支海蕩而西入過太江至月港而龍江自東來會之
海澄之爲邑即在月港之曲故自來以險特聞也由
是東行過龍溪歷同安晉江復爲自西徂東之路矣
國初海澄爲寇據溝通其四面益成深阻黃梧來歸
始內屬然寇猶迫處廈門嘗宿重兵駐防後又屢臨

于寇副將段應舉死之益以四面阻水運道易絕而
賊駕舟薄城則甚便故也自督臣姚啟聖進克廈門
邊患始息其地形北面阻海即支海之內入者城之
北更築土城爲提鎮駐兵之所外爲總垣環之穿其
西北隅爲中權關別作鎮遠樓城于東北月港環其
東爲橋以屬于東門而席帽鴻福常春諸山聯絡于
前稍東即鴻江山也由東北出圭嶼則大海矣予由
是以至廈門焉

月港通海潮其形如月番舶所湊

秦江疏作大江一名南溪在縣東六里許自三平經

馬口城受漸山椽尋諸水匯為龍潭至浮官入于海
又有支港自南溪出接海門曰蘆沉港浮官之潮逆
流至南岐鋪頭山曰倒港今團山圳尾洪礁厚境諸
戍皆在其西

圭嶼在海澄月港之東周迴五里一山浮水如圭故
名白圭嶼又名龜嶼其上雉堞象八卦之形取龜負
圖意善海重編誤為雞嶼蓋以閩人圭雞同音故也晏殊類要云亦名赤嶼
又名丹霞嶼以其上有石朝色如丹晚色如霞也乃

清漳之門戶北為濠門巡司南為海門巡司稍出為
倒港荆嶼自明世凡石馬月港烏礁紫沉充龍惠民

石美海滄洋船出入必由此接濟勾引踪跡詭秘萬
厯丁巳邑令傅某因舊城擴置兵百餘人隸海澄營
築浮屠以備瞭望天啟壬戌紅夷五舟闖入登塔望
內地因復議增陸兵千餘人

海門山亦名胡使二嶼上下延袤數里綿亘一二三
都又名荆嶼梁嶼荆嶼產荆木梁嶼古有水人水馬
產于此先有居民正統間知府甘瑛以民多執法徒
其民于青埔社置巡檢司于五六都之地以控馭之
今有成兵

嵩嶼相傳宋幼主泊舟于此適遇誕節羣臣呼嵩遂

以名

石馬鎮亦名石碼鎮在邑之西其北支海亦名錦江
龍江之所委也許茂島礁紫泥三洲星列迤邐而東
其支海之北則爲橋梁尾嵩嶼長嶼海滄許林頭諸
境濠門巡檢司在焉即所割龍溪一二三都之地也
今皆在界外支海之尾分南北流南流循邑治而東
北流歷白石青礁石美自北岸東出合于南海

等海
重編

有衝龍巡檢司即充
龍也省志無益已裁

青礁屬海澄白礁屬同安二礁相對皆有吳真人廟
在白礁者曰靈濟宮在青礁者曰東宮吳真人者名

本海澄人也生太平興國四年素食不娶善療病求
之者如市景祐六年卒感其惠者肖像以祀會有虔
寇禱于祠而賊酋死民賴以安益神之部使者以廟
額請賜名靈濟焉慶元中封英顯侯開禧中加號英
惠累封普佑真君祠祀徧于閩粵永樂十七年文王
后患乳岩危甚夢道人獻方用朱絲繞乳灸之問其
名曰閩人吳本居白礁方施藥未還也覺而如方試
之患良已皇后嘆異使人入閩求得廟處初封醫靈
妙惠真君萬壽保生大帝仍賜龍袍一襲真人生時
嘗與其族孫同開黃馭山道經白礁埋三岳刻盟章

于其上既歿而鄉人祠之雲嶠側方築宮有役夫狂呼曰非此吾居龍湫之陽吾昔有盟掘地得三击青蛇蟠其中遂此其地作東宮焉

元年畫界自三义寨厓江東橋東尾九頭至蓮花村

為龍溪邊邊界以海附海二十五里海滄十五里烏

白十里姚嶼石尾等村俱移共豁田地三百八十二

頃有奇于龍江鋪江東橋因界設守八年展界安兵

五處江東橋遊擊一千總一把總二兵二百名三义

河把總一兵一百名五洲千總一兵一百五十名石美地守備一把總今從灌口龍江營撥守高

兵二百四十名烏嶼十名港十候閱定

海澄故與同安接境而龍溪在其內本非邊海以海澄之北有支海內入故亦有遷界而龍江其重鎮也龍江一水而數易名其源出延汀界合盛洋龍巖潭平之水而下華峰又合長泰諸水匯爲潭曰漫潭兩山如壁潭弘淵涵流十餘里以其處郡城之北也謂之北溪梁大同間有九龍遊戲其上故又名九龍江而龍溪邑名亦自此立矣宋大中祥符七年邑民網魚見有神龜負珠出游因捕得之其珠圓三寸七分光彩燭天郡守危公因改貢珠門爲還珠門高熙初陳高字安卿家于此學者謂之北溪先生溪流又南

逕香洲渡歷岐中出岐爲柳營江舊志云唐末王潮
下泉福嘗駐兵故以名丁氏古譜曰六朝以來成閩
者屯兵於此棟柳爲營江當海溪之交兩山夾峙可
憑之以守西岸盡屬蠻獠唐摠章中陳元光代父政
爲刺史始遣人從上流潛渡盡平諸蠻名其所居曰
唐化里以此言之柳營之名其來舊矣宋紹熙間郡
守趙伯暹始作浮梁以渡嘉定七年太守莊夏易以
板橋豐石爲址醜爲十五道而屋之名通濟橋嘉熙
元年圯于火太守李韶易梁以石而不屋越四年乃
成長三十尺址高八尺醜水亦十五道梁之跨于址

者五十八長八十尺廣博皆六尺即今之
橋之西有柳營巡檢司橋之東有江東馬
名虎渡橋明晉江陳讓記曰昔欲爲橋有
江息于中流探之有石如阜尋其脈沉石
魚梁乃因壘址爲橋故名虎渡溪又南南
其會處曰福河俗名三汊河置戍營夾河
者曰福河城屬海澄縣今又訛爲福許在
又寨爲南溪者以其處郡之南而得名也
源出水溪永豐南源出銅鼓小溪至南靖
康仙渡員山之陰又東過郡城南疏爲三

直焉又東過文山而會于北溪二溪合流入于海澄
之支海龍溪縣置于梁輿地志曰隋開皇十二年併
綏安蘭水二縣入焉綏安溪在漳浦蘭水不知所在
或云即南溪也玉洲城在福河之北與海澄之許茂
相對陳布衣真晟居之改名定山真晟生于鎮海遷
居龍巖晚乃定居于玉洲即此地也其地初名坂尾
似即石尾籌海重編所謂石美亦此地也去坂尾五
里爲白石山山多白石故以名亦名鶴石山有石壘
可容千人

龍江舖今設龍江營亦在福河北

華封嶺即華峰在城北亦名龍頭嶺高千餘丈北溪
經其下二十里爲九龍山其山北有九龍水宋陳堯
佐詩人生五馬貴山有九龍游是也別有九龍嶺通
潮州其下木棉菴即宋鄭虎臣被賈似道處

庚午登白石嶺望金門白石嶺者廈門之主山也連上
三嶺乃至絕頂仄徑斗絕海風飄蕩欲引人去四望大
海羣山環匝真海外要區也

辛未自廈門登舟遇高嶼遇大風懸劉五店泃洲宿石
滸海岸同安境也去縣二十里

泉州府領縣七邊海者四曰同安曰南安曰晉江曰

惠安晉江附郭元年畫界自蓮花村歷烏頭

孤山鳳尾山

口寨寧溪橋方坑嶺浦頭寨石

海臨石山三忠官寨山店頭舖至小盈為同安邊邊

界以外附海二十里埕頭潯尾十五里馬鑾厝厝港

五里鼎尾皆移共畧田地一千九百四十一頃有奇

于灌口寨寧溪臨石山設兵駐守八年展界安兵十

四處

通津山千總一兵二百名文圃山嘴十名周山

名前廠二十名烏頭山十名下店守備一把總一兵一百三十

一百七十七名板橋十名美人山十名西岸寨頭五十

名東岸石潯千總一兵一百四十名對寨頭後社十

名馬家港守備一把總一兵二百三十名龜山二十

名今從同安營撥守五汛潯尾把總一兵二百名劉

店把總一兵一百名石潯把

候閱定

總一兵一百名大登二十名

同安縣唐爲大同場閩王延鈞僭號升爲縣紹興間始築城其形東西廣而南北隘如銀錠故名銀錠城又城南溪有二石銅色而魚形故又名銅魚城

大輪山在城東有畏壘菴朱子爲主簿時所作也朱子嘗名其解中之軒曰高士又聚徒講學于菴中各爲文以記菴傍有梵天寺公所嘗遊處也嘗書十六字于法堂中曰靈光不昧萬古嶽猷八此門來莫存知解又有戰龍松三大字錫于石壁絕頂眺望最勝處有隸書極目二字焉

大鳳山在城北三十里山勢延袤形如鳳翅故名朱

子嘗有詩云門前寒水青銅闕林外晴峰紫帽孤
記得南垞通柳浪依稀全是輞川圖

文圃山在城西六十里與海澄接境南濱大海四望
圓秀號十八面山以多文士故名唐謝脁與前脩讀
書于此脩登文德五年進士詞藻過人南唐主簿洪
文用與族人洪澤宗皇祐元年進士石貴崇監閩石
普皆居此嘉定閩鄉人楊志作三賢堂祀脁文用及
貴西蜀何致一爲記有龍池菴慈院建于其上貴爲
之記曰文圃山土無頑石木無荆棘層巒疊嶂之間
松蘿幽邃翠色如畫深澗長谷自然天成佛氏之祠

幡剎相望以雲名者凡四曰雲嶽雲峰雲泉雲嶠皆
其支峰也又里許爲夕陽山其山在西方最高遙接
落日故名上有遁跡巖唐宣宗嘗龍潛于此依黃巖
禪師于真寂寺作詩云惟愛禪林秋月空誰能歸去
宿龍宮夜深聞法食甘露喜在蓮花世界中接福清
縣黃巖山已載此事洪州宣州亦載之

苧溪山去城西三十里下有苧溪出白桐嶺蛇蟠所
蟄色多黑爲涉者病大觀中邑人徐誠始爲橋唐宗
時虎豹所窟穴今則坦途矣山下有陳婆陂亦唐宣
宗命築云宣宗徵時有陳婆進麥飯問之曰旱田所

唐帝即位命有司築陂曰蘇營陂灌田數百頃俗記
爲陳婆

五通嶺在縣東宋初主避元兵至泉間蒲壽庚之亂
止郡城北法石寺越過城南下輦即今下輦陂是也
過五都龍窟有三巨石連接水中由此登舟謂之御
踏石又至莊坂尾是謂五通嶺路傍二大石高四五
丈如門文天祥大書龍門二字刻石龍窟亦以宋主
得名

丙洲嶼在縣南海中周圍二里以在邑之丙位故名
稍東有白嶼周四里縣治東西二溪之水經此南下

其傍又有鼠嶼海澳盡處即石濤也白礁巡檢司錯入龍溪境負山面海陸行崎嶇咫尺不易度水道則瞬息耳頗爲匪類所窟宅高浦千戶所有城周江夏所築故設操屯軍千二百五十八名西距馬鑾東有深青驛稍南即濤尾也爲邑之西南障轄墩臺七前有寶珠嶼沙嶼也可挿竹深入丈餘風颭水漂沙聚自若劉五店北爲同安港西爲五通白嶼南爲烏沙烈嶼東爲澳頭大嶺再東爲角嶼門嘉靖壬戌倭從此入天啟四年設把總于石濤尋議撤以省餉諸境遷海時俱在界外

大嶺嶼北五十里有沙路可通內地兩涯相去七八里宋建隆初里人葉祝甃石爲路疏橋以通潮汐已而圯乾道中僧宗壽欲修之尋卒見夢于其侶道震卒續成之路長千三百丈爲橋六

小嶺嶼在大嶺外其地有鍾山宋時嘗創章法院山之北爲上釣磯先生隱居處先生名葵生宋季有文名元遣御史馬伯庸來徵托治圃自匿伯庸率遠魯花赤齋幣至家力辭不屈伯庸不能奪悉取其所著書以去今沙間有大盤石相傳爲先生釣石又有天與石方二尺許上鐫碁局及字一行云萬機分子路

一局笑顏回亦云先生筆也又有仙人井在沙閭石
上潮至即沒潮退即現甘列如故日可給四五十舟
廈門者乃嘉禾嶼地嶼在海中屬嘉禾二十一都至
二十四都以曾產嘉禾故名廣袤五十餘里去縣七
十里中左所城建其土故設旗軍千二百四名城南
三里有廈門港遠城之西與鼓浪嶼鹿耳礁相對爲
中左之門戶明初有水寨在浯嶼設欽總一員後以
其孤遠移入廈門而寨名仍舊焉中左之境東抵烈
嶼金門南至大小擔嶼西接海澄五嶼北至同安內
港與高浦相望遠嶼墩臺凡九曰廈門在東曰東渡

曰高崎在北曰流礁曰五通在西曰東澳曰徑上曰

井上曰龍烟在南

等海重編有高浦塔頭二巡司志不載

其汎地則惠

安之崇武晉江之祥芝永盛圍頭同安之料羅曰最

衝惠之獺窟同之官澳曰次衝其會哨南會銅山于

擔嶼北會南曰于涓洲爲首尾聯合之勢後又設浯

銅遊把總一員統戰艦二十二兵五百三十六名駐

中左分兵二哨一屯舊浯嶼一屯大擔視賊所向隨

方策應此當時戍守之舊也天啟壬戌癸亥間以紅

夷寇掠置廈門銃城一曾家澳塔頭銃城二別設戍

兵尋以省餉罷國朝久爲寇踞近始廓清帥府建

牙雄踞海外不侔于前代矣其中名勝有無盡巖五
峰錯峙而最高者爲洪濟山上有方廣寺雲頂巖晴
霽可見日本又曰留雲洞兩傍倚石爲門上覆片石
曰一片瓦雞鳴登之可候日出也又有山高懸如蜂
窠山前海中有七星石森列海面山麓洪塘有龍洞
相傳有龍穿地而出上分三竇下通爲一或于其傍
作龍湫亭西北有嶺曰薛嶺嶺之北唐薛沙居焉沙
父曰令之本長溪人沙爲龍溪尉因卜居于此嶺之
南唐陳黯居焉黯潁川人十歲能詩嶺鄉爲凡十八
應南宮試不第值黃巢之亂避地于此遂有南陳北

薛之名照讀書堂側有石高十六丈上刻談玄石三字土人呼其地曰場老山薛嶺之下曰薛浦浦外有嶼曰離浦以其離于薛浦也度可在高崎西北又有動石在筭管港口潮至則自動又有浮沉石潮漲不沒潮退反沉天將風其上輒有吼聲土人又呼爲石虎礁有官榮石在龍烟墩宋幼主過此民有覬獻者悉予官陸丞相秀夫書官榮字刻之

鼓浪嶼縱橫七里在廈門之西圭嶼之東南望大擔北鄰猴嶼上多民居明初嶼大嶺小嶺俱徙成化間復舊約二千餘家率皆洋商也天啟壬戌紅夷駕巨

艦攻圍把總宋九龍率居民力拒殊死戰斬酋長一
人餘衆遁去撫軍行視戰處勒詩紀之因築銃城置
戍兵一營尋以餉絀罷大石壁立刻鼓浪洞天四字
旁有巖曰日光巖又有黃牛嶼沙埭屬廈門曰龍腰
渡古識曰龍腰斷黃牛平嘉禾出公卿

擔嶼有二曰大擔圍五里曰小擔圍四里在嘉禾之
南西界浯嶼東鄰烈嶼二洋歸航至此如入玉門澳
內可容南北風船五十餘宋初主過此舟膠不能去
擲棄累重以輕其舟時有光發水上漁人往往得古
硯其旁又有檳榔嶼

烈嶼在金門之西中左之東周二十里

閩海實錄作百餘里

居民三千餘家南有城仔角西有青崎東有湖下諸
澳環之在在可登地皆斥鹵島民航海為生遠出彭
湖東番走死地如鶩城仔角可泊北風船四十餘天
啟初紅夷入犯皆泊此嘗設兵二百戍之以餉絀罷
地有吳山樓山牧山湖山吳山最大唐柳冕嘗置牧
監于此故有牧山之名舊置烈嶼巡檢司築城以居
與金門並峙

舊浯嶼在塘嶼西南海中北至中左南至鎮海各半
潮水周圍五里地屬海澄縣居民二千餘家稍折而

內入爲島尾卓崎破竈洋爲盜賊出沒之區海澄中
左門戶也明初設水寨公署于此成化間徙廈門嘉
靖三十七年賊首洪澤珍勾倭入犯盤據舊寨爲巢
徧歷興泉漳潮之境三十八年五月賊首巖山老引
倭犯泉州叅將王麟拒之祥芝石湖追敗之大岞其
分隸別犯興化者指揮唐修拒之峰頭追敗之野馬
又有犯福州者叅將尹鳳拒之閩安洪塘追敗之梅
花山老就擒倭衆敗遁于是澤珍之徒始自毀浯嶼
之巢以去四十一年倭復大入多隘衛所郡縣廣寇
吳平復來浯嶼據舊寨以應賊是時賊氛大熾上命

總兵俞大猷劉顯督兵討賊二將至則親搗浯嶼巢
賊始遁去巡撫譚綸總兵戚繼光請復水寨于舊地
萬曆三十一年有夷舟闖入泉郡城下不之覺也當
事者遂議移浯嶼寨于郡東之曰湖即石湖不守門戶
而守堂奧識者病焉天啟初紅夷入犯亦以此為窟
宅澳內可泊南北風船百餘

浯洲山在縣治東南百餘里大海中翔風里十七至
二十都地也廣袤五十餘里閩海寶錄周洪武間增

置金門千戶所設操屯軍千五百三十五名及陳坑

峰上田浦官澳四巡檢司田浦陳坑居民萬餘家明

二司尋革

初科目甚盛地不宜稼惟恃魚鹽設鹽塲以權之峰
上在其東官澳在其北南有鳥嘴大帽西有鳥沙金
沙而料羅一岐橫出于嶼上之外沙線重護可泊北
風船百餘凡往彭湖東番者每中途遇南風輒就此
收泊候北風而後行計程七更至彭湖十更即至東
番矣萬厯丙辰倭船嘗至紅夷亦數來天啟壬戌添
設陸兵一營與水哨協守峰上之民勇而善戰官兵
倚以禦寇常與小燈大燈鼓浪烈嶼諸戍聯絡相應
焉山之最大者曰太武巖有玉几案蘇月池眠雲石
偃蓋松石門石室蟹眼泉例影塔千丈壁一覽亭諸

勝又有大小雙山並峙若乳大雙回顧二里許結爲
平林小雙蜿蜒而南爲後浦金門諸鄉所城之南有
寶月菴菴旁大盤石俞武襄大猷署所篆時亭其上
以望海海中有島天將雨則明現時則日光晶晶反
隱不見號曰變山有五湖曰許坑曰湖山曰湖頭曰
赤庭曰湖尾今赤亭湖尾已淤爲田餘猶在也海中
礁石潮落時見馬跡相傳唐時有陳姓者善牧馬馬
大蕃息客來市馬者計所市之多寡倍與之反渡海
仍得所市之數而已人以爲神卒而祀之曰馬牧王
廟

壬申登陸行九十里止大盈是夜大雨

元年畫界自小盈歷東嶺至大盈爲南安邊境界以外斗入海三十里石井附海十里雞籠山等村皆移共豁田地三百七十二頃有奇于大盈設守八年辰界安兵四處

小盈七十名歌髻山二十名盤龍埔十名雞籠山二十名

今不設守候閱定

梁置南安郡今泉郡之地皆屬焉隋廢郡改爲縣唐開元中一析爲晉江縣再析爲大同場三析爲桃林場四析爲小溪場而縣非舊境矣故無城嘉靖三十七年縣被倭寇始築城

石井在四十三都在縣南八十里故設巡檢司山勢
斗拔寨門外即大海也同安之浯洲晉江之安平商
船往來必由此西即歌髻山南有營前澳北有紅漸
山而雞籠山又在其北大盈鋪古名大榮以唐嗣聖
間嘗設武榮州故名以音同致訛又有武榮鋪東嶺
鋪

因山在縣西秀銳圓拔如困風雨輒聞雷聲在困發
航海者識以為準

靈岳祠在九日巖祠樂山神唐咸通中有僧募木作
佛殿遇老叟為尊得大木于永春之樂山又遇暴漲

木自浮至因祠之于此水旱致禱海舶祈風多奇驗
宋累封通遠王又加封善利廣福顯濟王宋時泉有
市舶司每四月十一郡守同市舶提舉率屬以禱宋
宣和二年命市舶提舉張佑齋御香詣廟焚之

癸酉行六十里次泉州府

元年畫界自大盈厝龍源山

鷓鴣寨後者澳

至洛陽橋爲界

江邊邊界以外斗入海五十里福全所三十里永寧

衛二十里祥芝澳十里東石澳俱移共豁田地一千

二百五十二頃有奇于觀樹塔山因界設守八年展

界安兵十四處

安海寨守備一十總一把總一兵四百八十名小龍源山十名馬坪山十

名日湖山十名街口山二十名羊頭寨遊擊一千總
 一肥總一兵四百四十名竿柄臺十名觀樹塔山十
 名東安十名湘江二十名南岸水頭一百三十名鷓
 鴒寨守備一兵一百五十名溝尾把總一兵八十名
 一從泉州陸營撥守七汛 東石十總一兵一百
 十名圍頭福全把總一兵一百五十名羊頭把總一兵一
 百名深港烏溝兵一百名永盛兵一百名水頭總一
 江祥芝千總又從泉州城守營撥守一汛 溪邊海埭
 一兵二百名

侯閩定

隋始置泉州於今福州地而于今泉州地置南安郡
 唐景雲二年始改泉州為閩州而別置泉州于南安
 地屬閩州都督府此今郡所自始也郡北有清源山
 一曰泉山通志引漢書顏師古註指此為東越王所

據之泉山然考師古之時乃唐貞觀初所云泉州即
今福州也其非此山明矣城建于唐其衙城北樓有
歐陽詹貞元九年記尚存閩忠懿王王審知刺史留
從效擴大之周二十三里有奇門六從效建牙時樓
櫓甚壯自刺史陳洪進約土于宋始命撤之唐時西
郭外有西禪寺刺史王延彬妹爲尼居之延彬爲拓
城而包之于內城北松灣又有崇福寺蔡尊師葬在
焉陳洪進又拓而包之于內宋紹定中郡守游九功
元至正中監郡僕玉立又屢拓之于是其城益大至
周三十餘里而低斜不正土人呼爲葫蘆城元時又

呼曰鯉魚城皆以形似也相傳初築城時遠城皆種
刺桐故又有刺桐城之名閩王審知者光州固始人
也曾祖友祖縉玉父恁生子三人長曰潮次審邦次
審知唐末盜起江淮潮與壽春王緒劉行全爲羣盜
流却至汀漳緒以糧少令于軍中曰敢以老稚從者
斬潮獨與兩弟奉母以行緒欲斬其母三子泣請得
釋已而軍中共叛緒殺之推潮爲主觀察陳巖表爲
泉州刺史巖死潮盡有延建五州之地乾寧中拜成
武軍節度使潮疾表審知爲留後遂繼潮爲節度使
居福州而審邦亦以泉刺史累進威武軍節度使居

泉州唐昭宗在鳳翔審知奉詔得承制除授審知卒
審知以墨勅授審知子延彬權知泉州事尋實授焉
審知儉約好禮其下勸以建國審知不從曰我寧爲
開門節度不作閉門天子卒子延翰嗣延翰建國稱
王然猶慕唐正朔審知子延鈞弑之而自立更名鱗
僭號改元龍啟又改永和鱗滿暴子繼鵬弑之而自
立更名昶改元通文審知少子延義弑之而自立更
名曦改元永隆都將朱文進弑之篡居其位以黃紹
顛守泉州永春人留從効者泉州軍將也攻殺紹顛
而迎審知孫繼勳爲刺史歸于富沙王延政延政亦

審知子也先是曠命延政爲建州節度使封高沙王曠性淫暴延政數以書諫曠怒遣杜建崇監其軍延政遂之即建州建國號曰殷改元天德至是從效及汀漳二州皆歸之延政據有二州南唐兵至延政給福州人曰南唐助我也福州人遂殺朱文進而自歸既而南唐克建州延政降而留從效亦執送繼勳自領漳泉二州留後南唐主李景建泉州爲清源軍授從效爲節度使尋封晉王而福州竟入于吳越從效勤儉愛人王氏雖亡事其家甚謹數發間使自通于周世宗宋太祖尋卒無子衡校張漢思自稱留後

而仙游人陳洪進又逐而代之洪進起戎伍爲王氏
軍將留從効之殺黃紹顛也洪進有刀焉遂事從効
爲統軍使至是南唐主李煜即以洪進爲清源軍節
度使時宋太祖已下揚州洪進遣使自歸乾德二年
宋改清源軍爲平海軍授洪進節度使又官其二子
文顯文顛太宗即位洪進納土歸朝居京師而泉郡
始隸于職方矣按朝兄弟三人並以孝弟忠信崛起
爲一方之長雖子弟不類墮其家聲而閩人思之不
絕吳越王錢昱既有福州命即審知故宅爲忠懿王
廟而泉亦有王刺史祠祀潮于崇陽樓自潮始起于

泉而審知審邦及邦子延彬延鈞延美延武邦孫繼
崇繼嚴繼業繼勳相繼爲泉刺史當搶攘割據之時
能保其境土爲民扞難不可謂非貽謀之善潛德之
報也後又繼以留陳亦在泉境泉雖支郡實爲一方
治亂所關故詳志之以爲鑒云

海疆至同安復折而北故泉郡之海在城之東面其
南面之水曰晉江合安溪之藍溪水春之桃溪南安
之金溪並會于城西以晉南渡時衣冠之族沿江而
居故以晉名至臨漳門有石卓立如筍曰筍江臨漳
門者城之西南門也岸傍一山俯瞰江流有大石從

山脚至麓長二百餘丈又挿入江底宋初僧定請建塔于石上因名石塔山皇祐初造每爲梁曰履坦紹興間易以石江又東至德濟門外申渚江宋嘉定間爲橋曰新橋江又東逕留石在江之南流甚險萬厯間建塔以鎮之江又東逕法石在江之北又東爲蚶江至岱嶼而入于海北面之水曰洛陽江納惠安及本邑之水自康溪達于濠市至留公陂又合惠安沙溪之水東至烏嶼岱嶼合晉江而入于海沈存中曰水以漳洛名者甚衆水落于下謂之洛舊號落洋九域志作樂洋山或曰唐宣宗至此謂風土大類洛陽

故名竟不知誰是岱嶼等海重編作岱隊新圖又作
大墜又有小墜附其旁傳訛甚矣閩書岱嶼在海中
介石湖北鎮兩山間亦曰岱隊門水深三十托商船
入泉州港者必由此郡之水口山也海舟由此二日
至高華嶼又二日至龜麓嶼又一日至琉球國

安海堡在大盈港北與南安之雞籠山相對在郡城
東南六十里古之安平鎮也原名灣海宋開寶中有
安連濟者唐安金藏之裔孫也徙居于此土人遂易
灣海爲安海金藏本太常樂工則天時剖心以相衛
唐宗則天高其義命與致禁中選高醫褫桑社紿之

閩日而蘇開元間封代國公配高唐宗廟庭其後人
至今猶在宋爲安海市東曰舊市西曰新市海舶至
此就權號石井津建炎間創石井鎮設鎮官紹興中
鎮官方姓者築城以備海寇明嘉靖二十七年邑令
盧仲佃邑紳相實鄉覽以石萬懋三十四年添設兩
判館時一駐之有石井書院以泉不混潮故名舊名
龜頭書院宋吏部郎朱韋齋公松紹興初嘗爲鎮官
公餘進香民訓迪之子侍講考亭公熹後二十年爲
司安簿時至鎮與父舊客講論經義鎮人益勤于學
嘉定四年鎮官游鋒因士民請白郡守鄒應龍于鎮

西爲書院繪二先生像而祠焉命添萍在董其事在文云子也傳伯成爲之記勒于祠旁

東石在安海東有獅頭獅尾二寨火之產壯蠣最佳初生如拳石四面漸長有一二丈者房中輒有一肉大者如馬蹄小者如指頂海人火炙而取之謂之蠣房亦名蠔袍亦名塚山又一種生海中大如杯曰草鞋蠣東爲泗洲塢稍南爲白沙湖可通安海港港南一小嶼曰北槌賊衝也澳內可泊風船百餘其渡澎湖商船嘗于此後洋北上商船欲轉圍頭嘴者常泊此候風天啟壬戌設陸兵一營乙丑以省餉撤

靈源山

題本作龍源山
新圖亦作靈源

一名吳山延袤四里山頂

大而平又名大平山山麓有吳明宮又名吳明山宋時有吳明兄弟隱此也山高峻出于東南諸峯之上有石曰望江石南瞰大海如在眉睫絕頂有靈泉大旱不竭有紫雲峰宋林和先生隱處死即葬于此旁有華表山與靈源相角立有元時菴奉末摩尼光佛云爲老子西入流沙所化與他佛因緣異稍西十里爲羅裳山山之東有五髻峯嘗有異人畫馬于峯前石上每天陰鄉人見馬馳驟旋即入于石疑即遷界中所爲馬坪山也有龍湫六井各相去半里所或在

高源或在半田而泉脈貫通汲一井則五井皆動往
往有龍出入井旁樹木時有龍爪痕城南山大者有
吳孤橫畫四山橫山長數里橫郡治南下有畫船浦
沙面蹙紋時作船像帆檣皆具其帆勢所向可以驗
風之南北南十里有蕭妃村唐文宗母貞獻皇后家
所在也妃初爲建安王侍者生文宗及帝即位冊尊
爲皇太后太后去鄉時有一弟命帝求之有茶綱役
人蕭洪妻自言太后召見嗚咽不自勝拜金吾將軍
檢校戶部尚書兩授節度使而太后真弟故在孱弱
不能自通有蕭本者探得其内外宗屬遂詣闕發洪

之詐且稱已真太后弟詔追洪鞠問其服賜死拜本
贊善大夫追封三代已復有晉江令蕭弘自稱太后
弟徵詣闕三司按問兩人皆僞帝下詔曰皇太后齊
梁望族僑寓閩中慶靈鍾集早歸椒掖終鮮兄弟嘗
所咨嗟而姦濫之徒因緣假托乞沐墮絜既無可驗
鑿空作僞豈得更容本可長流愛州弘流儋州由是
太后卒不得真弟而蕭妃村之名獨存土人又名爲
燒灰村焉有植壁港洩橫山以南諸水又南有陳坑
港則灑井尾埭諸水皆入于海

陳埭以陳洪進所築故名一名浯埭以其爲浯江之

委也受羅裳東北諸澗之水入于海鄉曰陳埭鄉百鮮所聚地多衣冠茂族今置寨稍北爲溪邊寨也

溜石鎮有東山亦曰高甲山有井方丈餘海潮時至終不相溷色嘗甘美葛洲溪合南安以下九十九溪之水流其下滙爲煙浦埭出六斗門而入于海

日湖以日所出也故名一稱石湖在陳埭東舊沿嶼水寨徙于此可泊南北風船六十餘有金叙山兩支對棟如欽股泉政和間僧祖慧宗什等謂其地類明州育王建塙于兩支相交處殊瑰壯左股崛起一峯有石圓淨名境石峯西小巖名石獅巖相傳宋有僧

貌類獅者隱于此或斷巖前石爲泗州大聖像又名
泗州巖又東有堤障飛沙以護田久而圯萬厯間寨
帥沈有容令兵船出汛者必載石以歸因以甃堤因
得復故名沈公堤篤于此設沙堤寨相去里許百豐
山寺寺前列石磊砢如羣羊爲遊者所賞晉江以南
初遷之境至此而盡矣

圍頭灣在兩洲場之極東一山橫出海外爲安海港
之門戶故有巡檢司設于十四都地去縣百里宋時
真德秀移戍軍于此

福全所在圍頭北八里有城隍永寧故設屯種鎮軍

五百七十五名可泊北風船十餘北爲圳上澳亦可
泊北風船十餘又有大留澳皆要衝也北至永寧南
至料羅各一潮水

鳥濤故設巡檢司在十六都地南臨大海東接深滬
西連福全

深滬故設巡檢司在十六都去縣七十里東濱大海
北永寧南福全可泊南風船四十餘地有石壁山一
名獅山舊志引陸魯望云列竹海濱曰滬蓋設以取
魚故魚之躍出者爲跋扈也豈昔爲漁市故遂以名
其地歟有石刻深扈二字相傳爲羅隱書傍有崇真

寺祀真武神寺有井歲旱不竭底穿石竇號複井左
爲彌陀山有井名天竺井右爲青山市心保有井名
寶泉皆甘美給一方用地無蚊蠅相傳亦羅隱所識
也明詹仰庇詩云層崖分五澳疊屋聳孤岡風土魚
蝦市上園粟麥鄉北有佛堂澳亦海寇出入必經之
地

觀樹塔亦名關索塔西爲竿頭寨與靈源接北爲蚶
江寨與日湖接

永寧衛有城周江夏所築舊設旗軍六千三百九十
五名地在邑東南六十里東瀆大海北界祥芝南連

深滬爲泉襟裾嘉靖乙未爲倭所陷屠殺兵民俱盡
倭退後調泉南遊擊駐守可泊南北風船二十餘有
益輔山擁抱衛城之後一名朝陽山以先受日光也
又名瑞海又以上有圓石如珠亦名驪龍山有仙人
山在城中巨石盤礴上有仙人跡其石穿出城外半
里許控扼海濤巖崿峯崎文如篆籀奇怪莫可名狀
皖人阮自華始表異之邑人黃克縉詩云浪有千層
皆白練石無一片不蓮花又有象山亦在城中形如
伏象

祥芝澳在二十都故有巡檢司距縣五十里東面大

海南接永寧北臨支海與崇武相對澳內可泊南風
船五十餘支海中有臭塗可泊南北風船二三百皆
極衝地也有寶蓋金鞍二山俗呼寶蓋曰大孤金鞍
曰小孤相傳有辜氏二女沒而臨異土人廟祀之故
曰大辜小辜久而訛曰孤大孤之嶺有石塔宋紹興
中僧介殊募建而俗謂之孤山塔又或訛爲姑嫂塔
謂昔有姑嫂二人皆爲船商婦商入海不返二女攜
塔而望之其即二辜之訛歟今塔中刻石爲二女像
游女拾甃以擲之云中者當生男子也小孤之上有
石室四面無路但可從峰頂縋而下有趙永嘉者隱

于此永嘉或云宋人與者亭同時或云元人與虎岫
巖僧嘉善爰其在石室也獨處無侶虎爲守戶人餉
以食輒酬之草葉一楹其人不解所謂攜歸以飼牛
牛輒熟睡不起始驚異再就永嘉詢之永嘉則又予
以他草令置牛前牛乃復起更求之則不可得矣因
名其草曰祥芝祥芝之名始于此明有高士趙復字
無疾博學好古爲一方所嚮慕年九十五卒學人私
謚莊節先生虎岫巖在大孤南五里許巖石光潤林
本蔥蘢與海上諸山絕異每八九月爲士女遊嬉之
地

法石山在郡東南瀕于浯江之北度可以浯埭相對
陳洪進常築壇于此北向呼萬歲亦曰萬歲山下有
法石院洪進妻及女葬其後宋有碧桃道人隱此既
沒南外宗正趙必煜作詩弔之地產荔枝蔡忠襄荔
枝譜有法石白出于泉州法石院色青白其次于
藍家紅藍家紅亦出泉州兄弟二人圭爲太常博士
丞爲尚書員外郎晉江荔枝五月熟者爲火山六月
熟者爲早紅爲桂林爲金鍾王十朋爲泉守有荔枝
詩八章稍東爲鷓鴣寨地有桃花山以土赤如桃花
故名明蔡文莊公清荐于此再東爲後清臺三面距

海小即公嶼矣折而西北爲徑邊臺再西爲烏嶼

烏嶼四面皆水嶼上可居宋睿祐中僧道詢募建石

橋名鳳嶼盤橋長四百餘丈廣一丈六尺北洛陽橋

長加四百尺闊高一尺海中遙望二橋橫跨若二虹

然今已廢僅存南岸三水門屬于嶼而已道詢少遇

了角道人授以丹術徵悟宗乘勤行精進遠近信之

又嘗構橋于峰崎獼窟而隱于白沙湖築堤捍海而

田其中一日潮至將毀其堤道詢舉扇揮之曰海至

大不能讓尺寸地即潮爲却行更西爲洛陽橋

洛陽橋始名萬安渡極危險屢歷初郡人陳寵擬作

橋不就皇祐間僧宗已募貲累年亦不就會端明殿
學士蔡忠惠公襄來守郡始作石橋始于皇祐五年
成于嘉祐四年壘趾于淵醜水四十七道長三千六
百尺廣丈五尺翼以扶欄費金錢一千四百萬橋心
有洲置關其上晉惠二邑之界也相傳經始時淵深
不可趾忠惠爲檄使隸人入海投之龍隸謂入海必
死大醉卧沙上覺而視其檄則易矣忠惠啟而閱之
止一醋字喜曰神告我矣蓋謂廿一日酉時潮退趾
可立也及期果然橋遂得成或又移此事屬之明郡
守蔡錫不知何據橋之北題曰洛陽之橋趙州書又

有亭曰濟亭趙不駘書也而忠惠手書碑立于橋旁
今隸人猶祠于橋中央之洲上忠惠又嘗種松七百
里于閩部令行者得以避暘暑閩人爲詩二章勒石
以誦之一曰道旁松一曰洛陽橋